

# AMATEKAYE

Abanyarwandakazi b'indashyikirwa  
baharaniye Impinduka



# Intangiro: Herstory & Ihuriro Nyarwanda ry'Abagore

U Rwanda ruzwi ku isi hose nk'igihugu cyimakaje gushyira ihame ry'uburinganire mu mategeko yarwo, ndetse nk'indashyikirwa mu bijyane n'uburenganzira bw'abagore n'abakobwa ku urwego rw'isi. Nyamara, inkuru n'amateka y'abanyarwandakazi babaye indashyikirwa muguharanira uburengazira bw'igitsina gore ntabwo zigeze zishyirwa ahabona ngo zibere abandi urumuri ndetse n'icyitegererezo kubandi bagore, n'umuryango nyarwanda muri rusange. Iki gitabo ni intangiro ry'urugendo rwa bamwe mbabanyarwandakazi babaye inyamamare n'indashyikirwa mumateka y'u Rwanda, muguharanira uburengazira, ukwishiye ukizana ndetse n(uburinganire hagati y'umugabo n'umugore.

Izi ntore zitajorwa, ziyemeje kwandika no kubika inkuru z'uruhare rukomeye kandi ratera ishyaka abandi bagore. Inkuru n'imyirondoro ziri muri iki gitabo, ziha agaciro kandi zikarata ubutwari bw'abagoreabagore bagize uruhare murugamba rugikomeza, rwo guharanira uburinganire n'uburenganzira bw'abagore. Gusangiza abandi "Amateka Ye", ni ukugirango izatere imbaraga kandi yongerere ubushobozi ibisekuruza bizaza abanyarwandakazi, bityo babonereho gutera ikirenge macyababanjirije. Abagore bahamagarirwa gutanga umusanzu wabo mukubaka umuryango nyarwanda uzira ubusumbane ndetse n'ivangura iryo ariyo ryose.

Iki gitabo ni kimwe mu ibikorwa by'ihuriro nyarwanda ry'abagore- ihuriro rihuriwemo n'abagore batandukanye bo mu u Rwanda, bafite icyerekezo cyo kugira umuryango uzira ubusumbane, aho uburenganzira bw'abagore buhabwa agaciro, kandi banyirabwo bakagerwaho n'inyungu zabwo. Binyuze mu gikorwa cy'INKURU YE, iri huriro rifite intego zo kongera imbaraga n'ubufatanye hagati y'abagore n'ishyirahamwe, kugirango baharanire kandi bimakaze uburenganzira bwabo mu ngeri zose z'umuryango

## Ibijyanye n' uwashohoye igitabo



Mu mwaka w'i 2015, Imagine We Rwanda, ikigo cyashinzwe kandi kiyoborwa n'umugore, cyafunguye imiryango ngo gifasha abandika ndetse n'abasoma inkuru mu Rwanda ndetse no mu karere k'Afurika y'iburasirazuba. Binyuze mu buryo bahisemo gukora imirimo yabo, iki kigo gisohora inyandiko z'ubuvanganzo, inkuru n'ibitabo bijyanye kandi biha agaciro umuco, kandi kigafasha abanditsi b'imbere mu igihugu. Imagine We Rwanda kandi, ishyira imbaraga mu burezi, binyuze mu gutanga impano z'ibitabo, gusura amashuri, gukora imfashanyigisho, no guhugura abarimu n'abanditsi mururimi rw'icyongereza, n'izindi ndimi zemewe gukoreshwa mu Rwanda. Ubu buryo bwhariye bwo gukora, buha imbaraga ubwiza n'ubwinshi bw'ibikorwa by'umuco n'ubuhanzi, binyuze muri gahunda zitandukanye, n'imbuga zitandukanye z'abasohora ibitabo, ziteza imbere abanditsi, kandi zikabara inkuru nyafurika.

## Abafatanyabikorwa

Iki gikorwa cyashobotse kubw'ubufasha bwa guverinoma ya Suwedi, binyuze mu cyigo cy'abanyasuwedi gifasha mu by'iterambere (Swedish Development Assistance) n'umuryango wa Kvinna till Kvinna (Kvinna till Kvinna Foundation). Guhindura iyi nyandiko mu igifaransa byashobotse kubw'ubufasha bwa ambasade y'u Bufaransa mu Rwanda.





## **Kuri buri mugore**

Iki gitabo gituwe abagore bo ku isi bose, yaba abato n'abakuze. Umutima wo kutagira uwobwa, kwhangana n'ibikorwa bihindura ubuzima by'abagore bo mu Rwanda bakomeza gukuraho inzitizi no kuba intwararumuri, byatse ikibatsi muri mwe. Umurava wabo ubatere ishyaka kandi amateka yabo ababere ikimenyetso cy'ubushake bwa kigore, butuma murenga ibibatangira, kandi muhange inkuru zanyu bwite.



# **Urutonde rw'inkuru**

- 1. Ndabaga**
- 2. Nyabingi**
- 3. Queen Rosalie Gicanda**
- 4. Kanjogera**
- 5. Agathe Uwilingiyimana**
- 6. Sula Karuhimbi**
- 7. Kamaliza Annonciata**
- 8. Victoria Nganyira**
- 9. Marie Immaculee Ingabire**
- 10. Daphrose Mukarutamu**
- 11. Annociata Mukayitete**
- 12. Godelive Mukasarasi**
- 13. Mary Balikungeli**
- 14. Cecile Kayirebwa**
- 15. Felicite Rwemarika**
- 16. Donatile Kanimbe**
- 17. Aloisea Inyumba**
- 18. Dative Mukeshimana**
- 19. Solange Ayanone**
- 20. Carole Karemera**
- 21. Sophie Nzayisenga**
- 22. Girimbabazi Pamela**
- 23. Sylvie Nsanga**
- 24. Gaudence Mushimiyimana**
- 25. Esther Mbabazi**
- 26. Hassna Murenzi**
- 27. Isaro**
- 28. Kakizi Jemima**
- 29. Hope Azeda**
- 30. Isabelle Kamariza**
- 31. Blandine Ingabire**
- 32. Aline Berabose**






# Ndabaga

**Yari umugore w'intwari mu myaka ya 1700. Yarenze kubyafatwaga nk'ikizira, yiga imyuga yari igenewe igitsinagabo kugirango azabona uko acungura se wari usaziye ku itabaro kandi ntamwana w'umuhungu yagiraga. Amateka ye ashishikariza abagore guca inzitizi, guhangana n'imbogamizi bahura nazo ndetse no guharanira uburinganire.**





Ndabaga, umugore w'imbaraga no kwihangana bidasanzwe, yahanganye n'inzitizi zose zo mu bihe bye, maze aba ikitegererezo mu guha agaciro umugore. Bivugwa ko yabayeho mu kinyejana cya cumi n'umunani mu gihe hahoragaho intambara z'urudaca.

Se nk'abandi bagabo bose bafite ubuzima buzira umuze, basabwaga n'itegeko kujya mu ngabo z'umwami kugeza bashaje, ikiruhuko cy'izabukuru bakemererwaga gusa iyo babaga basimbuwe n'umuhungu wabo. Ndabaga rero nta basaza be yagiraga, se yari kuzarinda apfa adatashye akagwa ku rugamba; amahirwe yo kujya mu zabukuru yasaga nkaho ntayo.

Abonye ibyari biri kuba kuri se, Ndabaga yashatse uburyo yatura se uwo mutwaro, ariko umuco w'icyo igihe ntabwo wemereraga umukobwa kujya kurugamba. Urugamba rwaharirwaga abagabo gusa, cyangwa se igitsina gabu muri rusange, kuko aribo bafatwaga nk'abafite intege n'ubuhanga bikenewe kugirango bajye mu ngabo.

Adaciwe intege nizo inzitizi, Ndabaga yihaye intego yo kujya gucungura se. Yiyoberanyije nk'umuhungu maze yitoza imirimo n'imyitwarire bya kigabo byo muri icyo gihe. Yabaye umuhanga mu kumasha, gusimbuka urukiramende, kuragira, ndetse no kubaga amatungo. Yize gukoresha icumu, umuheto n'imyambi, bidatinze yari asigaye arusha abahungu bo ku gasozi k'iwabo.

Kugirango abone uko yinjira mu ngabo z'umwami, Ndabaga yihinduye nk'umugabo, azirika amabere ye, n'igituza cye arakirambura. Yagiye kwerekana ubuhanga bwe mubyio kurwana imbere y'umwami. Umwami atangajwe n'ubuhanga bwe yemerera se kujya mu kiruhuko no gutaha agasubira mu muryango we, ibyo byatumwe Ndabaga azamurwa mu ntera mu ngabo.

Amaherezo, Ndabaga yaje kwegera se mu ngoro y'umwami, amutekerereza urugendo yacyemo, amubwira ko ashaka kuzamusimbura ku rugerero. Ubuhangange bwe nk'indwanyi bwatumye n'umwami amutangarira cyane. Ibihuha bivuga ko yaba ari umukobwa byatangiye guhwihiwsa, bigeraho ndabaga ashize amanga aberurira ko ari umukobwa. Yabasobanuriye ko ibyo yakoze byari ukugirango acungure se kandi akureho igisebo cyari k'umuryango we.

Bitunguranye umwami yakomeje kurushaho kwishimira Ndabaga bigeraho amugira umugore we. Bitewe n'ibikorwa by'indashyikirwa bya Ndabaga, umwami yaciye iteka ko buri wese uri ku rugerero asubira mu umuryango we. Iyi nkuru yaba ifatwa nk'umugani cyangwa se inkuru y'impamo, ikomeza kuvugwa no gukundwa na buri umwe uyumvishe.

Inkuru ye ibera urugero rwiza abagore n'abakobwa b'ingeri zose, kandi umurage we ukomeza gusigasirwa binyuze muri gahunda ziharanira guteza imbere uburinganire bw'ibitsina byombi no guha ubushobozi igitsina gore. Inkuru ya Ndabaga ni igihama cy'ubushobozi bw'abagore mu gukuraho inzitizi, no guhindura umuryango. Itwibutsa kandi ko abagore bafite imbaraga, ubwenge, n'umurava bitagira urugero.

Mumateka ya Ndabaga, tubonamo ikimenyetso ko agaciro n'amahirwe bitagenwa n'igitsina cy'umuntu. Iyi nkuru iduhamarira gushyigikirana no gufashanya, tukumvikanisha amajwi y'abagore b'ingeri zose. Mu guharanira uburinganire tuba dutegura ahazaza heza hatavangura ku bisekuruza bizadukurikira



# Nyabingi

**Nyabingi abonwa  
nk'imana nkuru  
n'umurwanyi.  
Amateka n'ubutwari  
bye, ni urugero rwiza  
rushishikariza  
abagore kwigira no  
gukoresha imbaraga  
zabo baharanira  
uburenganzira  
bwabo. Ibyo nibyo  
bizabahesha ikuzo  
mumaso y'imbaga.**



Nyabingi, bisobanura: "utunze byinshi" cyangwa se "nyina w'ibyinshi" , yarubahagwa kandi akanambazwa nk'imana nkuru ,ndetse n'indwanyi yakataraboneka. Mu myaka ya 1800 mu majyaruguru y'u Rwanda ahahoze ari mu bwami bwa Ndorwa mbere w'umwaduko wa'abakoroni, nibwo kwambaza Nyabingi byatangiye. Nk'ikiményetso cyo kwirwanaho n'ubushobozi, imwe mu inkuru y'ibya Nyabingi ivugwa cyane, ijyana n'amateka y'umugore witwaga Muhumuza, wari umunyarwandakazi uvanze n'umugande mu mpera z'ikinyejana cya 19 n'intangiriro z'icya 20. Muhumuza yari umupfumu uzwi wa Nyabingi, yari umuhuza wa Nyabingi n'abantu, inkuru ye igaragaza impinduramatwara ihuzwa n'izina rya Nyabingi.

Inkuru ya Nyabingi itangira mu buryo budasanzwe. Yabyawe n'umuja w'ibwami ku ngoma ya Ruganzu Ndoli mu bwami bw'i Karagwe muri Tanzania, arererwa i Bugande, akura ahinyuza ibyo rubanda rwemeraga ndetse nibyo rwari rumenyereye. N'ubwo akomoka ahaciye bugufi, yari afite umutima wo kudacogora. Ubwo yari umwana, yarwaniye ubwami bwa se, yerekana imbaraga zidasanzwe zirenze iz'ibigaragara, bituma azamurwa hejuru y'abantu basanzwe atangira kwambazwa.

Nkuko imwe mu migani ibivuga, Nyabingi yarwaniriye n'umurava mwinshi se wasigaye i Karagwe. Imbaraga zidasanzwe ze zatumye batangira kujya bamwambaza na nyuma y'uko apfuye. Nyuma y'uko se atanze, Nyabingi yimye ingoma, maze arakundwa cyane bitewe n'uburyo yabanaga n'abagaragu be. Abagore bensi b'indwanyi hirya no hino muri Afurika batewe agatege n'imbaraga no gutegeka kwe mu kurwanya abakoroni.

Abamwemeraga bazanaga amaturo kubapfumu, maze abo bapfumu bakabambariza Nyabingi mu kimbo cyabo. Uburyo bwa kera bwo kwambaza Nyabingi harimo: " guterekera", bigizwe n'imitongero n'imurishyo y'ingoma byihariye bituma umuntu agera ku rwego rwisumbuye mu by'umwuka. Ingoma zikivuzwa n'ubu mu Rwanda bwari uburyo bwo kwambaza abakurambere, ariko na none bukaba uburyo bwo guhuruza cyangwa guhamara abaturage. Amoko nk'abashambo n'ababgeishekata mu gihugu cy'igituranyi cy'u Bugande, bakoreshaga ububasha bwe mu kurwanya ababateraga. Umwamikazi Kitami wo mu bwoko b'ababgeishekata, yari afite ingoma idasanzwe yazanaga imbaraga za Nyabingi. Undi mwamikazi wo muri Angola Mutambi, yarwanyije abanyaporutigare mu izina rya Nyabingi. Ibyo byerekana imbaraga yari afite no kubahwa birenga Afurika y'iburasirazuba.

Muri Etiyopiya urugero rwa Nyabingi rwatinyuye abarwanyi kurwanya abongereza ndetse inkuru y'ubuzima bwe yageze no ku nkcombe za Jamayika, aho yagize uruhare runini mu ivuka ry'umuziki wo mu njyana ya reggae. Imvugo cyangwa inyito ya" Nyabinghi" yazanywe muri icyo gihugu, yahindutse impuzanyito ya Rastafari, bigeza ku kuvuka ku indi nkubiri y'imyemerere. Guterana kw'abambaza Nyabinghi ndetse n'umurishyo w'ingoma zabo, byahise bihinduka bimwe mu bigize imigenzo ya Rastafari.

Mu buryo buteye agahinda, ubuzima bwa Nyabingi bwaje kurangizwa na mubyara we wagambanye n'umwami w'u Rwanda ngo amwice. Nubwo byagenze bityo bwose, imbaraga ze zagumyeho, zitura mu imitima ya rubanda ndetse n'abami. Umurage we wagumyeho ukagaragazwa n'ubuvumo bwa Nyakishenyi mu majyepfo y'uburengerazuba bw'u Bugande. Aha hantu hera, aho Nyabingi yahungiye ubwo yari mu nzira igana mu Rwanda, haracyakomeza kubahwa n'Abacwezi n'abemerera mu idini gakondo. Izina rya Nyabingi ryaramamaye, kandi rirema mu bantu kumwishimira no kugira umurava.

Amateka ye ni ikiményetso cyo kwiha ubushobozi, cyerekana ko abagore b'intwari batagira ubwoba bahozecho mu mateka. Imigani k'ubuzima bwa Nyabingi, ifite agaciro gakomeye mu mateka y'u Rwanda n'u Bugande; itanga ishusho ku urugamba rwo kurwanya ubukoroni haharanirwa ubwigenge n'ubutabera. Abagabo n'abagore bazakomeza guha agaciro umurage wa Nyabingi no mu bisekuruza bizaza.



# Queen Rosalie **GICANDA**

Umwamikazi Rosalie Gicanda wakundaga u Rwanda cyane, yaranzwe n'ubuntu, ubumuntu n'ubugwaneza niyo yari indamukanyo. Kuri we, gukunda no kubaha bose ni indangagaciro ikomeye cyane. Adushishikariza kugira neza kandi ineza wagiriye mugenzi wawe uyisanga imbere.



Umwamikazi Rosalie Gicanda, yari umuntu ufile igikundiro, yashyize ikimenyetso kidasibangana mu mateka y'u Rwanda. Yavutse mu 1928 mu Buganza, yabyirukanye imbaraga no kwhihangana. Yari imfura mu bana batanu bavaga inda imwe. Yarezwe n'ababyeyi be, Martin Gatsinzi na Mukwindigiri, mu Mutara aho yakuze afashwe neza.

Ubwo yamaraga kwimikwa, umwamikazi Gicanda yaranzwe n'urugwiro n'ineza, yakira buri wese mu ngoro ye. Yarwanyije ubusumbane, ineza ye ikagera kuri bose kuva ku abagaragu kugeza kubatware atarobanuye k'ubutoni. Yakiraga bose na yombi, agatumira abagore kimwe nk'abagabo, abakire n'abakene, bose bakagira uruhare mu kuzanira umugisha ubuzima bwe.

Ariko, ibyago byaje ubwo umugabo we, umwami Rudahigwa yatangaga mu buryo butunguranye mu 1959, mbere gato y'uko ingoma ya cyami ikurwaho. Mu gihe umwuka mubi wagendaga wiyoungera hagati y'abahutu, abatutsi ndetse n'ubutegetsi bw'ababirigi, u Rwanda rwabonye ubwigenge bushyira ku ikurwaho ry'ingoma ya cyami. N'ubwo yakuwe mu ngoro ye, umwamikazi Gicanda yakomeje kubera urugero rwiza benshi.

Amaze kwimukira i Butare, yakomeje kwita kuri nyina wari urwaye abikorana ubuntu n'ubumuntu nk'ubwamuranze igithe yari umwamikazi. Aho yari yarimukiye abantu bakomeje kumugana, bakeneye ihumure n'inama yabagiraga. Ariko ahazaza ntihamuhiriye kuko mu mwaka w'i 1994 muri jenoside yakorewe abatutsi ubwicanyi bwageze i Butare maze umwamikazi Gicanda aba muba mbere bishwe, urugendo rw'ubuzima bwe rurangirira aho.

Urupfu rwe rwasize agahinda mu mitima ya benshi, ruba nk'ikimenyetso cyo gutangiza kwicwa kw'imbaga y'abatutsi mu ntara ya Butare. Na nyina yarishwe maze igihugu kirubama. Butare yahuye n'amahano ndenga kamere, yabaye gihamya cy'umutima w'ubutwari udacogora w'umwamikazi Gicanda.

Mu mwaka wa 2012 urukiko mpuzamahanga rwashyiriweho u Rwanda rwahamije kapiteni Ildéphonse Nizeyimana ibyaha bya jenoside bigizwe no gutanga amabwiriza yo kwica abatutsi ibihumbi harimon'umwamikazi Gicanda. Yakatiwe igifungo cya burundi. Mbere yari ashyinguwe iwe m'urugo, ariko kubw'umurage yari asize yagombaga gushyingurwa ahakwiye abakoze ibikorwa by'indashyikirwa nk'ibye. Byabaye ngombwa ko ashyingurwa I Mwima I Nyanza iruhande rw'umugogo w'umugabo we.


Buri tariki ya 20 Mata, abanyarwanda bingeri zose baraterana bakibuka ubuzima bw'umwamikazi Gicanda. Urupfu rwe rutwibutsa akarengane yagiriwe, ariko ntirwatuma ubuzima bwe bw'intangarugero buzima.


Inkuru y'ubuzima bw'umwamikazi Gicanda itwibutsa, guha abandi ubushobozi, kwhihangana, ndetse n'imbaraga ntagereranywa z'igitsina gore. Nk' umwamikazi wa nyawe yakuyeho ibyari inzitizi kuri benshi, yakira bose kandi aha urukundo n'ubuntu bye igihugu cyari gikeneye ubumwe. Ubuzima bwe buzakomeza kubera urugero benshi, kandi izina rye rizahora mu mateka y'u Rwanda.



# Kanjogera

**Yari umugore  
w'icyitegererezo,  
umuhangga muri politiki,  
intwari mugusigasira  
ubusugire bw'ighugu.  
Amateka ye, akangurira  
umugore kwerekana  
ubushobozibwe  
mugukora ibyo abantu  
bibaza ko bitashoboka  
kandi bagaharanira  
kuzana impinduka  
mumiyoborere.**






Kanjogera yavukiye mu Rwanda ahagana mu mwaka wa 1847, yari umugore ufite imbaraga n'ijambo mu mitegekere y'igihugu muri icyo gihe. Akomoka mu muryango ukomeye w' Abakagara, bakomoka kuri Rwakagara, ubushake bwe bwo kuzaba umuntu ukomeye bwagaragaraga no mu bwana bwe.

Yarongowe n'umwami Kigeli wa kane Rwabugiri mu mwaka wa 1861, ntibyatinze Kanjogera akundwakazwa n'umwami kuruta abandi bagore be, ari nako anagira ubutware n'ijambo bihebuje. Yakoze ibirenze ibyo kugandukira umugabo gusa nk'uko byari bisanzwe bimeze kuri buri mugore w'icyo gihe. Ahubwo arushaho kuganza kuburyo rubanda rusanzwe bitari byoroshye ko ruba rwamuca iryera. Ubutwari n'ubudahemuka bya Kanjogera yagiriraga umugabo we byari ikimenyabose, nk'uburyo rimwe umugabo we yagiranye ibibazo n'uwendaga inzoga I bwami maze kanjogera akitambika akica uwo wengaga inzoga atabaye umugabo we.

Ijambo n'ububasha bya Kanjogera byarengaga kuba gusa umwamikazi, kuko nyuma yo gutanga k'umwami Rwabugiri, yakoresheje ububasha yari afite nk'umugabekazi wa Rutarindwa utaragiraga nyina maze amukura ku ngoma yimika umwana we bwite Musinga nk'umwami. Ku ngoma ya Musinga, Kanjogera yari afite ijambo n'ubutware kuburyo nta cyemezo cyafatwaga atamenyeshejwe ngo bacyemeranyeho. Yagize uruhare rukomeye mu mitegekere y'igihugu nko mu gihe cyo kugirana amasezerano n'abadage, akarwanya ababiligi n'abongereza.

Ariko nyuma ubwo abakoloni batangiye gutegeka u Rwanda, Kanjogera n'umuhungu we ubutware bwabo bwatangiye kugabanuka. Amaherezo baje gukurwa I bwami bimurirwa mu majyepfo y'iburengerezuba bw'igihugu. Nubwo yahuye nizo ngorane zose, umurage wa Kanjogera nk'umugabekazi wari ufite ububasha n'ijambo mu mitegekere y'igihugu ntiwibagirana.

Mu bitabo by'amateka, inkuru ya Kanjogera ifatwa nk'ikimenyetso cy 'imbaraga, kwhangana, kugira ijambo bifitwe n'abagore. Yarenze urwego umugore yafatwagaho, ahamya umutware bwe agira uruhare rukomeye mu mitegekere y'igihugu mu gihe cye. Umurage we n'ikitegererezo ku bagore ubatinyura kurenga imbibi maze bagasingira imbaraga n'ubushoboz bifite mo.



# Agathe

## UWILINGIYIMANA

Urugendo rwe rw'ubutwari,  
ni ikimenyetso  
cy'ubushobozi bw'umugore.  
Amateka ye atwibutsako:  
ubwenge, imbaraga,  
kwihangana ndetse  
n'ubuyobozi bufite  
icyerekezo, bishobora  
guhindura umuryango  
wubakiye k'ukuri,  
umuryango uzira ivangura  
iryo ariryo ryose.



Agathe Uwilingiyimana n'igisobanuro cyo kudatezuka mu guharanira ko abantu bose bareshya. Yarwanyije amacakubiri ayo ariyo yose yivuye inyuma, ahagarara ashize amanga arwanya inkubiri y'urwango n'imvururu byariho ndetse bishyira ubuzima bwe mu kaga kubera ibyo yemera.

Uwilingiyimana yasize ikimenyetso mu mateka nka minisitiri w'intebwa mbere w'igitsina gore, akora iyo mirimo guhera tariki ya 17 nyakanga 1993, kugeza ubwo yitabaga imana muri mata 1994. Urugendo rwe rudasanzwe rwatangiye mu gihe yari mu mashuri. Guhera mu misozi ya Muhororo mu karere ka Gisagara mu ntara y'amajyepfo y'u Rwanda, Uwilingiyimana yagaragazaga ubuhanga, maze ahitamo guhinyuza ibyari bimenyerewe yiga ibya siyansi, ibitari bimenyerewe ku bana b'abakobwa muri icyo gihe.

Uwilingiyimana yari azwiho kugira imbaraga no kunoza ibyo akora ndetse no gukunda cyane ibijyanye n'uburezi. Urukundo yakundaga ubumenyi nirwo rwamuteye imbaraga zo kujya muri politiki mu 1992, nyuma y'imyaka irenga icumi yari amaze mu mwuga w'ubwarimu. Nka minisitiri w'uburezi yaharaniye uburenganzira bw'abanyeshuri bose, akorera ubuvugizi uburenganzira bw'abagore, uwo mwanya yari afite wamubereye urubuga rwo kurwanya amacakubiri. Mu mwaka w'iil986, Uwilingiyimana yashyizeho ihuriro ry'abagore n'abakobwa, ndetse na koperative yo kugurizanya hagati yabo, uko bakoranaga mu ishuri rya Butare Academic School, aho yigishaga ibijyanye n'ubutabire. Icyo gikorwa cyamenye n'inzezo z'ubuyobozi bw'u Rwanda muri icyo gihe bituma nyuma y'imyaka itatu ahabwa umwanya w'umuyobozi muri minisiteri y'ubucuruzi. Mu 1992 Uwilingiyimana yinjiye mu shyaka ritavuga rumwe n'ubutegetsi rya Republican Democratic Movement (MDR).

Ubwo yari minisitiri w'uburezi, yagumanye indangagaciro ze zishingiye ku kuba abantu bose bareshya ndetse no gukuraho gahunda y'iringaniza rishingiye ku bwoko mu amashuri. Yakuyeho gahunda y'iringaniza rishingiye ku moko azana ubundi buryo bushingiye ku bushobozi bitanga amahirwe angana kuri bose. Ibyo byemezo by'ubutwari byamuzaniye ibibazo kugeza n'iwe mu rugo aho abantu bitwaje intwaro bamuteye iwe mu rugo. Ibyo byatumye abagore ibihumbi muri Kigali bahaguruka bakamushygikira, bagategura imyigaragambyo ikomeye yo gushygikira ibikorwa bye.


Gutotezwa, kuburabuzwa, guhozwa ku nkeke, kugambanirwa...ngibyo ibyaranze ubuzima bwa Agatha muri guverinoma yari ayoboye, guverinoma yari yarimakaje ivangura n'amacakubiri ashingiye kumoko. Nyamara ntawbo ibyo byamuciye intege, kuko yakomeje guharanira uburenganzira bwa bose, cyane cyane igihe cy'inkundura y'amashyaka menshi ubwo imvururu zishingiye kumoko zari zigeze kugasongero. Uwo muhate n'iryo shyaka, byamukururiye urwango mubahezanguni b'abahutu, kuko yabangamiraga umugambi wabo w'ubwicanyi. Niyo mpamvu rugikubita, Uwilingiyimana yishwe kumunota wambere, abimburira izindi nzirakarengane zishwe muri jenoside yakorewe abatutsi 1994.

Mu ijoro ryo ku itariki ya 6 Mata ubwo indege y'uwhaoze ari perezida, Juvénal Habyarimana yahanurwaga, Uwilingiyimana niwe wahise uba umukuru wa guverinoma nk'uko itegeko nshinga ryabiteganyaga. Nyamara ibyo ntibyarambye, kuko yishwe umunsi ukurikira ihanurwa ry'indege ya peresida. N'ubwo hari umutwe w'abasirikari wa Loni wari ushinzwe kugarura amahoro, n'ubwo hari kandi umutwe w'ingabo wari ushinzwe kurinda umukuru w'ighugu, abo bose ntacyo bamumariye kuko ku italiki ya 7 Mata minisitiri w'intebwa yarishwe, bikavugwako yishwe n'abo mu mutwe wari ushinzwe kurinda umukuru w'ighugu.

Ibyemezo Uwilingiyimana yafashe no kubishikamaho muri ibyo bihe by'imvururu byerekana ubutwari bw'ukuri kwe. Yagize uruhare rukomeye mu kurwanya urwango rwakwirakwizwaga n'ubutegetsi bwariho, bwateguye kandi bugashyira mubikorwa jenoside. Imbaraga yashyize mu kunga abanyarwanda zatanze umusaruro mwiza. Agathe Uwilingiyimana afatwa nk'imwe mu ntvari z'ighugu, azahora yibukwa nk'umwe mu bambere bakoze ubuvugizi ku burenganzira bw'abagore, kandi bakagira uruhare rukomeye mu gutezimbere uburezi. Umwanya yari afite muri Politiki wabereye urugero abandi bagore benshi mu guharanira kuba abakomeye, unababera imbarutso y'ubushake bwo kugera kuri byinshi.

Uwilingiyimana ari mu bashinze Forum for African Women Educationalists(FAWE), n'umurage we uracyamurikira benshi. Mu kumuha icyubahiro FAWE yashyizeho irushanya ryamwitiriwe baryita The Agathe Innovative Award Competition, ritera inkunga imishinga igamije guteza imbere uburezi ndetse inatanga amahirwe abyara inyungu ku bana b'abakobwa b'abanyafurika. Ubuyobozi buhamye no guharanira indangagaciro za kimuntu bya Uwilingiyimana biracyabera urugero Bose.

Imbaraga za Uwilingiyimana ziri m'ubuhanga bwe, impano ndetse no kwitangira uburinganire kuri bose. Yasenye imyumvire mibi abantu bagira ku bagore maze yerekana ko agaciro k'umugore karenze uko afatwa hagendewe kubigaragara inyuma. Ubuzima bwe ni gihama k'ubushobozi butagira umupaka buri mugore yifitemo butegereje gusa gukoreshwa.



## Sula

# KARUHIMBI

Ni ikimenyetso cyubutwari no kwihangana, yamaganye amahano ya jenoside yigira nkumupfumu, arengera ubuzima burenga 100.

Ibikorwa bye by'ubutwari ni urumuri rw'icyizere, rumurika mu icuraburindi ry'ivangura n'ubwicanyi. Guhitamwo neza nyakuri, ni ukuba intwari yuje ubuntu n'ubumuntu, ugaharanira gutabara umuntu igihe yagwiriwe n'ijuru.



Ku gasozi gatuje ka Musamo, isaha imwe uvuye iburasirazuba bwa Kigali, hari hatuye umugore wuje umurava n'ubutwari bihambaye. Izina rye ryari Sula Karuhimbi, yavutse ahasa umwaka wa 1925, avukira mu muryango w'abavuzi gakondo; ubuzima bwa Sula bwaranzwe n'ibizazane, nyamara n'ubwo byari uko yaranzwe no kwihangana.

Kuva akiri muto, Sula yababazwaga n'amakimbirane ashingiye kumoko cyane cyane mubihe bizwi nk'impinduramatwara mu mwaka w'i 1959. Amakimbirane, urugomo n'ubwicanyi byaranze igihe cy'ubuto bwe, byamubereye imbarutso n'umusingi byo guharanira kwimakaza ubumuntu, ndetse byatsa ikibatsi muri we cyo guharanira ukuri n'ubutabera kuri bose.

Mu mwaka w'i 1994, ubwo icuraburindi ryafubikaga u Rwanda, Sula yisanze ari umukecuru w'umupfakazi. Ubwo ubwicanyi bwari burimbanyije, Sula yigize umurozi kugirango ashobore gutabara inzirakarengane zicwaga. Yafata imiti n'ibyatsi akabyisiga ndetse akabisiga n'inzu ye, akavuga ko urugo rwe rwahanzweho n'abazimu. Yaburiye interahamwe ko nizica abari bihishe iwe zitazakira umujinya w'imana n'abazimu, akazibwira kandi ko zizaba ziri kwicukurira imva. Aya amayeri no kwanga ruswa yahabwaga byatumye abicanyi badatera urugo rwe.

Ubwo jenoside yabaga, inzu ya Sula yabaye urumuri rw'icyizere mu icuraburindi ry'ubwicanyi. Atitaye ku byago byo kuba yakwicwa, yarinze abari bamuhungiyeho kugeza ubwo FPR yahagarikaga jenoside. Sula yahishe abantu barenga 100 mu kazu ke gato k'ibyondo gafite ibyumba bibiri, no mu myobo yari yaracukuye mumurima. Yarokoye abantu b'ingeri nyinshi harimwo n'impinja yakuraga mumaboko ya banyina bapfuye.

Nyuma ya jenoside, Sula yahishuye ko ibyo kwiyyita umurozi byari uburyo bwo kwirinda kugirango abone uko arokora abantu. Kubera ubu butwari, byatumye mu mwaka wa 2006 ahabwa umudali w'umurinzi w'igihango na perezida Paul Kagame, umudari yahoraga yambaye n'igihe agiye kuryama akawushyira munsi y'umusego.

Burya ngo akiziritse kumuhoro gashirwa kawuciye. Nubwo bwose Sula yakoze ibikorwa by'indashyikirwa, byakagombye gutera abandi ishyaka, ntabwo byagenze uko, kuko nyuma ya jenoside yakomeje guhura n'ibyago byinshi, birimwo no kubura abe kumaherere. Mbere na mbere yapfushije umuhungu we wazize urugomo hakurikiraho umukobwa we bikekwa ko yarozwe. Yakomeje gutura muri ka kazu gato yarokoreyemo benshi, akomeza kuba urugero rwo kugira imbaraga no kwihangana aho yari atuye. Mu gace yari atuyemo ba muhimbye "umurozi w'i Musoma" nyamara akababwira ko atari we kandi atigeze aba umurozi.

Sula Karuhimbi yatabarutse mu mahoro ari iwe mu rugo mu ukuboza 2018, asiga umurage wo kwihangana, ubutwari n'ubumuntu mu gihe cy'urugomo ndetse n'ubugome birenze urugero. Sula ni ikimenyetso cy'imbaraga zidasanzwe z'umugore umwe, zitwibutsa ibyo dushobora gukora iyo duhisemo ubutwari aho guhitamo ubugwari, ndetse n'ubumuntu aho guhitamo ubwangamugayo.



# Annonciata KAMARIZA

Annonciata Kamariza,  
umuhanzikazi w'umusizi,  
umwanditsi ndetse  
n'umuririmbyi  
w'umunyarwandakazi.  
Azwi cyane munjyana  
y'umuziki gakondo. Uretse  
kuba umuhanzikazi,  
yabaye kandi  
n'umusirikare muri FPR  
afite ipeti rya serija mugihe  
inkotanyi zabohoraga u  
Rwanda.



Annonciata Mukayitete, ni umwe mu bashinze Réseau des Femmes- Rwanda. Ubuzima bwe, yabuhariye guharanira uburenganzira bw'abagore mumuryango. Yakuze abona ihezwa n'inzitizi bishyirirwaho abagore nko kutagira imyanya mu buyobozi, kutagira uburenganzira k'umutungo, kuba batafunguza konti muri banki umugabo atabibahereye uburenganzira...

Kubera izo mvo, byatumye mu mwaka w'i 1986 ashinga ishyirahamwe: "Réseau des Femmes- Rwanda". Iri shyirahamwe ryihaye intego yo kongerera abagore ubumenyi n'ubushoboz kandi rinakurako inzitizi zitambamira iterambere ryabo. Bakoze ubushakashatsi, maze bagaragaza ibibazo abagore bahura nabyo, by'umwihariko ibijyanye n'uburezi, gutunga ubutaka, ubuzima, uburenganzira bwa muntu ndetse n'ubushoboz mu by' ubukungu. Réseau des Femmes yashyizeho amashami nka Haguruka itanga ubufasha mu by'amategeko ndetse na Duterimbere ishyira imbere guha umugore ubushoboz mu by'ubukungu.

Réseau des Femmes yakoze ubutaruhuka mu gukora ubuvugizi k'uburenganzira bw'abagore n'uburinganire, barwanya iohohoterwa rishingiye ku gitsina, batanga inyigisho ku burenganzira n'buzima bw'imyororokere, bakemura ikibazo cy'abangavu baterwa inda, bateza imbere kwimakaza amahoro. Ikindi kandi ishyirahamwe ryatanze amahugurwa n'ubukangurambaga mubijyanye no kwhaza mu ibiribwa ndetse n'imrimo itishyurwa yo kwita ku bandi. Bakoze ubuvugizi kugirango abagore bahabwe umwanya mu mashyirahamwe n'imishinga itandukanye, bityo, bituma amajwi yabo yumvwa.

Xaverine Uwimana, umwe mu abanyamuryango ba Réseau des Femmes-Rwanda, ashimangira ko hari ibyiza ntagereranywa byo gufatanya n'abagabo mu rugendo rwo guharanira uburinganire. Guhindura imyumbire no gushishikariza abagabo guha agaciro abagore ni ingenzi ku kugera ku iterambere rihamye kandi rirambye. Uwimana yerekana uburyo ki uburinganire bukenewe mu kurera abana, no kongera uburyo abagore bahagarariwe mu myanya ifatatirwamo ibyemezo.

Nubwo bahuraga n'imbogamizi kubera ubuyobozi bwavanguraga, Réseau des Femmes yakomeje gukora. Bagize amahirwe ubuyobozi buraho ubu burabafasha, ibyo byatumye imbaraga bashyiraga mubikorwa byabo bya buri munsi ziyongera cyane. Mukayitete atewe ishema n'ibyo abagore bamaze kugeraho mu Rwanda, yerekana uburyo bajya mu mirimo itandukanye, irimo gucunga umutekano no kuba ba rwiyemezamirimo.

Kuri we, uburezi kubana b'abakobwa ni inkingi ya mwamba, iteruye ahazaza h'igihugu. Iyo uburezi bwo mu byiciro byose kuva mu mashuri abanza kugeza muri kaminuza bigizwe ingenzi, abakobwa bashobora kubona ubumenyi n'ubuhanga byabafasha kugira uruhare rufatika mu muryango, kandi bakigirira icyizere cyo kuba mu bafata ibyemezo. Mukayitete ashishikariza abana b'abakobwa gukoresha amahirwe ahari, kuko ubu abagore bafite ijambo muri politiki, no mu ibindi bice by'ubuzima bitandukanye.

Kwitanga kwa Annonciata Mukayitete no guhozaho kwa Réseau des Femmes-Rwanda ni ikimenyetso kidasibangana mumuryango Nyarwanda. Binyuze mu bikorwa byabo, bongereye ubushoboz abagore, bazamura imyumbire ku bibazo bifitanye isano n'uburinganire, kandi baharurira inzira ahazaza hangana kuri bose. Nubwo hakiri ibibazo, ahazaza haratanga ikizere kubagore bo mu Rwanda, kubwo kwiyemeza kwabo kutajegajega.



# **Victoria NGANYIRA**

**Ibiganiro bye kuri Radio  
byagaragaje ibibabazo  
by'imibereho muri  
sosiyete kandi yabereye  
urugero abandi  
banyamakuru muburyo  
ashakisha ubumenyi.**



Victoria Mukantagara Nganyira, ari mubatangije umwuga w'itangazamakuru mu Rwanda, yasize umurage nk'umunyamakuru w'umwuga kandi w'indashyikirwa. Mu myaka ya 1960, igihe abagore bake aribo batinyukaga kujya muri uwo mwuga, Nganyira yaratinyutse yinjira mu mwuga w'itangazamakuru k'uburyo izina rye ritakwibagirana. Mu myaka isaga mirongo ine yamaze muri uwo mwuga, umusanzu we waragutse kandi ugera kure, ndetse uha umurongo ngenderwaho umwuga w'itangazamakuru.

Nganyira yatangiriye umwuga w'itangazamakuru kuri Radio Rwanda, ariyo radio rukumbi yakoraga muri icyo gihe, aho ibiganiro bye byabaga ari iby'ubushakashatsi bwimbitse kandi byigisha abamwumva. Bimwe muri ibyo biganiro harimo nka "waruzi ko?, Bana tuganire" hamwe na "Jya Mbere Mwari w'u Rwanda", byashimishaga abamwumva kandi bikagirira rubanda akamaro.

Nk' umunyamakuru w'ikitegererezo mu biganiro bisesengura, ashize amanga, Nganyira yakoraga inkuru zavugaga ibibazo bitandukanye abaturage bahura nabyo. Yabaye umunyamakuru w'ingirakamaro kandi izina rye rijya mu mateka y'itangazamakuru. Ibyo yagezeho bihamiriza ubwitange n'agaciro afite mu mateka.

Mu 1964 nibwo Nganyira yinjiye mu mwuga w'itangazamakuru kuri Radio Rwanda, bimuharurira inzira mu mwuga wiganjemo abagabo. Urwo urugendo rwe rutangaje rwamaze imyaka 45 kugera muri 2009, aho yagiye mu kiruhuko k'izabukuru. Kuko hari hakenewe amahugurwa yihariye mu by'itangaza makuru, Nganyira yagiye kwiga itangazamakuru mu Budage, kuko nta shuri ry'itangazamakuru ryari mu Rwanda muri icyo igihe.

Umukobwa wa Nganyira, Agnes Nganyira, afata nyina nk'umugore utuje kandi ukunda umurimo wahaga agaciro kubana neza kandi mu mahoro n'abandi. Yahaga agaciro gakomeye kwiga no kwiyungura ubumenyi, kuko nawe ubwe yumvaga yakomeza kwiga no mu myaka ye mirongo irindwi, icyo kikaba ikimenyentso cy'uburyo yakundaga kwiyungura ubumenyi.

Nubwo yakundaga akazi ke, Nganyira yabonaga umwanya wo kujya no mu bindi bikorwa harimo:imirimo yo mu biro, ubuhinzi, gusoma ibitabo, gufuma ndetse no gateka. Yabayeho ubuzima butarimo umwanya na muto wo gupfusaha ubusa, aha buri mwanya agaciro kandi agahorana umurimo wo gukora.

Nk'umukirisito wamaramaje kandi ukunda uburezi, Nganyira yatoje abana be ndetse n'abuzukuru be gukunda kwiga, ndetse no kuzagera ku mpamyabumenyi we atabashije kugeraho. Gukunda umwuga we byatumye n'umukobwa we Louise agera ikirenge mucye, ajya mu mwuga w'itangazamakuru. Louise yibuka uburyo nyina yanezezwaga no gusangiza ubumenyi ababaga binjiye mu mwuga vuba, n'ishyaka yarafitiye uwo mwuga.

Abinyujije mu kiganiro cye "Jya mbere mwari w'u Rwanda," Nganyira yari agamije gutinyura no guha ubushobozu abari n'abategarugori, kuko yabonaga gutinya kwabo mu kujya mu nzego zifata ibyemezo, kuvugira mu ruhame, ndetse no kujya mu itangazamakuru ubwabyo. Yakoresheje urubuga yari afite agasura amashuri, akaganiriza abana b' abakobwa cyane cyane abiga mu ibijyanye na siyansi, abashishikariza gukora cyane bakagera kuri byinshi nka basaza babo. Nganyira yashatse abagore bafite ibyo bagezeho, bakajya basangiza abandi ibyo bagezeho mu mirimo itandukanye, kugirango bibere ikitegererezo kandi bitere imbaraga abandi bagore ku kugera kuri byinshi. Umusanzu wa Nganyira mu mwuga w'itangazamakuru, yawuhembewe nyuma yuko y'itabye Imana, ahabwa igihembo nk'umunyamakuru w'indashyikirwa w'ibihe byose. Ibirori byamukorewe ubwo yajyaga mu izabukuru byagaragaje uburyo yari umunyamwuga w'intagarugero kuko nta na rimwe yigeze ahabwa ibaruwa imuburira kubw'imiytwarire idahwitse mu gihe cyose yamaze mu mwuga w'itangazamakuru.

Victoria Mukantgara Ntangira, ni ikitegererezo nyacyo cy' uhararanira uburenganzira bw'abagore. Yahinduye imyumbire ya benshi kandi anaharurira inzira ibisekuruza by'abagore by'ahazaza. Impano, ubumenyi ndetse n'ubwitange mu mwuga w'itangazamakuru bye, byaduteye gusobanukirwa no guha agaciro imbaraga twifitemo kandi tugaharanira kugera kubyo dukunda tudacitse intege. Umurage we uzahoraho kandi uzahora utwibutsa imbaraga ziba mu kwiyemeza, ndetse n'ibikorwabihindura ubuzima by'umuntu umwe wiyemeje agahindura byinshi mumuryango nyarwanda.



# **Marie immaculée INGABIRE**

**Ubwitange bwe ku  
buringanire bwahinduye  
ubuzima bwa benshi,  
kandi bubera  
icyitegererezo  
ibisekuruza bizaza.  
Ubuvugizi bwe  
bwatumye amajwi y'  
abagore yumvikana,  
bubaha imbaraga zo  
gukurikirana ubutabera  
n'uburinganire.**



Marie immaculée Ingabire, impirimbanyi y'uburenganzira bwa muntu ikorana umwete, yahariye akazi ke mukuba umuvugizi w'uburinganire bw'umugore n'umugabo mu Rwanda. Urugendo rwe rwatangiriye mu ingorane aho yakuze ari impunzi i Burundi. Yahuye n'akarengane, nta mahirwe angana n'ay'abandi yabonye ku burezi, ubuvuzi n'ubundi burenganzira bw'ibanke.

Ibyo gukora ubuvugizi ku burenganzira bw'abagore, Immaculée yabitewemo imbaraga na nyina ; yabareranye umurava igihe bari mubuhungiro i Burundi, aharanira ko abana be babaho ubuzima bwiza. Yakuze abona uburyo nyina yihagararaho, bituma Ingabire amenya uburyo umusanzu w'abagore uhabwa agaciro gake, maze yiyemeza kuzaharanira kuzabahesha agaciro ndetse no kubongerera ubushobozi. No mu gihe yari ari kwiga muri kaminuza yaharaniye uburenganzira bw'abakobwa, akora ubuvugizi ngo babone amacumbi imbere mu kigo.

Agarutse mu Rwanda nyuma y'amarorerwa ya jenoside yakorewe abatutsi mu mwaka w'l 1994, Ingabire yibwiraga ko ibibazo yari abisize inyuma. Nyamara ubwo yari umunyamakuru nyuma akaza kuba umwanditsi mukuru mu kigo cy'ighugu gishinzwe itangazamakuru, yakomeje kubona ingorane n'ibibazo abacitse ku icumu bakomeza guhura nabyo mu gihe babaga bagerageza kongera kwiyubaka. Amaze kubona ko umubare munini w'abacitse ku icumu ari abagore n'abana, Ingabire yabakoreye ubuvugizi, anagaragaza ibibazo n'ingorane abagore bafashwe ku ngufu ndetse n'abagizwe abapfakazi na jenoside bahura nabyo. Yasobanukiwe ko gusana no kongera kubaka igihugu bisaba ko abagore babigiramo uruhare rufatika munzego zose zigize umuryango nyarwanda.


Mu 1995, Ingabire yashinze ishyirahamwe ry'abagore b'abanyamakuru (ARFEM) kugirango yongerere ubushobozi abagore bari mu mwuga w'itangazamakuru. Ariko ubushake bwe bwo kuzana impinduka zifatika bwatumye ava mu mwuga w'itangazamakuru, akoresheje impamyabumenyi mu by'amategeko yari akuye mu Bufaransa, yarangaje imbere abaharaniye impinduka mu mategeko agenga abashakanye yatsikamiraga abagore, kandi agira uruhare mu gukemura amakimbirane ashingiye ku izungura na gatanya. Binyuze mu bwitange bwe, Ingabire yafashije abagore benshi batari bafite uburenganzira ku butaka, cyane cyane mugihe cya gatanya, ndetse n'uburenganzira bwo kurera abana babo.

Ingabire ashigikira bikomeye imiryango itegamiye kuri leta mu Rwanda (sosiyete sivile), aho ashyira imbaraga ze mu miryango nka Pro Femme Twese Hamwe, ihuriro ry'abagore mu Rwanda( Rwanda's Women Network) hamwe na Haguruka itanga ubufasha mu by'amategeko ku abagore. Uyu munsi nk'umujyanama wigenga uzobereye mu by'uburinganire, ibikorwa bya Ingabire byagukiye muri Transparency International igice cy'u Rwanda, aho ayibereye umuyobozi. Imbaraga ze azishyira mu kurwanya ruswa, aho yashyizeho gahunda yo kurwanya ruswa ishingiye ku gitsina, aho bakora ubushakashatsi ndetse bakanatanga ubufasha mu by'amategeko kubakorewe ihoterwa rishingiye ku igitsina.

Nk'umuyobozi ufite uburenganzira bw'abagore munshingano ze, Ingabire yahagarariye u Rwanda mu nama mpuzamahanga, harimo nk'inama y'abagore ku nshuro ya kane ku rwego rw'isi muri Beijing muri 1995, ndetse n'inama mpuzamahanga ku biyaga bigari aho yari ayoboye ihuriro ry'abagore ku rwego rw'akarere.


Mu rugendo rwe rwo gukora ubuvugizi, Ingabire akomeza gushimira impinduka nziza ziza muri politiki y'u Rwanda. N'ubwo kujya mbere bigenda biguruntege mu nzego z'ibanke, aracyafite icyizere ko umuryango nyarwanda uzageraho ugaha agaciro uburinganire. Ingabire ashishikariza abana b'abakobwa gukomeza guharanira uburinganire, abaha ingero y'imyanya abagore bagenda bahabwa munzego zifata ibyemezo. Ubu abagore barakataje mumuyiborere y'ighugu, bamwe ni aba minisitiri, guverineri, meya ndetse no muzindi nzego zigenga. Gusa, Imaculée yifuza kubona abagore munzego z'ibanke, aho ibyemezo bitari biche bifatirwa.

Marie Immaculée Ingabire abereye umuryango nyarwanda inyamahiribona. Ni intwari, ni impirimbanyi y'uburenganzira bw'umugore ndetse nubwa muntu muri rusange. Isyaka, umurava, ukwiyemeza, ukudatezuka, kudaheza no kutabera, kuvuga no kuvugisha ukuri, ni umurage w'indangagaciro , ndetse n'imbuto yateye murubyiruko, cyane cyane abakobwa. Icyifuzo cye ni ukubona u Rwanda rutengamaye, ruha ukwishiira ukizana kuri buri wese, aho umugore aza ku isonga.



# **Daphrose MUKARUTAMAH**

**Amateka ye, ni ubuhamya bw'imbaraga no kwihangana kw'abagore mu gukira no kwiyubaka nyuma yamakuba. Abinyujije mu ishyirahamwe rya Duhozanye, yatanze ihumure, isanamitima, afasha imfubyi n'abapfakazi kongera kwigirira icyizere. Yabafashije kwihangira imirimo ibabyarira inyungu kandi ibateza imbere.**



Agahinda gakabije, uwomba, kwiheba, inzangano mumiryango, ibikomere bya roho n'iby'umubiri, ngizi zimwe mungaruka imfubyi n'abapfakazi barokotse jenoside yakorewe abatutsi mu mwaka w'i 1994 bahuraga nazo. Umwe mubakomerekejwe bakanashegeshwu n'amateka ashaririye yaranze u Rwanda ni Daphrose MUKARUTAMU. Uyu, yabuze umugabo we ndetse n'abana benshi muri jenoside yakorewe abatutsi.

Nyuma ya jenoside, Daphrose yaje gusanga hari abandi benshi buhuje agahinda kandi bagenze inzira y'umusaraba ingana iye. Mu gushyingo 1994 nyuma y'amezi make jenoside ihagaritswe, Mukarutamu yashinze umuryango wa Duhozanye, awushingira mu cyahoze ari komine Shyanda mu ntara y'amajyepfo. Uwo muryango wari ugamije guhumuriza no gufasha abapfakazi ba jenoside, ari nako bakemura ikibazo cy'imfubyi nyinshi zitagiraga imiryango bitewe na jenoside.

Byatangiye iri shyirahamwe rihuriza hamwe abapfakazi basaga 330, bahangana n'ibibazo bari bafite, kandi bafite ikizere cy'ejo hazaza heza. Mukarutamu yibuka mu iminsi ya mbere uko bajyaga bahura bakarira bibukiranya ababo babuze, umubabaro n'umuruho baciymo. Iryo shyirahamwe ryabaye isoko y'umutuzo n'ihumure ku banyamuryango baryo, ribatoza isanamitima binyuze mubiganiro no gusangiza abandi inzira y'umusaraba banyuzemo.

Murwego rwo kwisana no kwiyubaka, Duhozanye yakanguriye abapfakazi kugana ibigo by'imari kugirango biyubakire ubushoboz. Abagenerwabikorwa ba Dufatanye, bavuye hasi barakora karahava, maze barandura imyumvire ishaje yakandamizaga umugore. Ugushyira hamwe kw'abanyamuryango ba Duhozanye, kwatumye bubakira abapfakazi inzu zari zarasenywe, bagabirana inkakdi uwababo bakazikamira. Uretse ibyo kdi, yashyizeho ikigo gitanga amahugurwa, aho bahuguye imfubyi nyinshi za jenoside mu myuga itandukanye irimo gusuka, kudoda no kuboha. Ikindi kandi banagiye mu cyimbo cy'ababyeyi batabarutse, maze barera izo mfubyi, bakora ibishoboka byose ngo abo bana basubire mu ishuri.

Hafi imyaka 30 ishize ikora, Duhozanye imaze kugira abanyamuryango basaga 3000 mukarere ka Gisagara. Ubu bafasha abagore n'abakobwa bo mu tundi turere dutatu, batanga ubujyanama n'ubuvugizi kubaba bakorewe iohohoterwa rishingiye ku gitsina kandi bakabongerera ubushoboz muby'ubukungu.

Babaye abanyabwenge bakoresha amahirwe muby'ubukungu yari ahari bishingira imirimo ibyara inyungu, aho ubu bafite depot iranguza ibinyobwa bya Bralirwa; ibi bifasha ishyirahamwe ryabo kwibeshaho no kwinjiza amafaranga.


Ibyo Mukarutamu yagezeho bigera no hanze y'imirimo y'ishyirahamwe. Yagiye mu myanya y'ubuyobozi mu nzego zitandukante kuva k'umudugudu kugera ku rwego rw'akarere. Bitewe n'impuhwe yavukanye hamwe n'impano yo kuyobora yifitemo, yagize uruhare rukomeye muri gahunda y'ubwiyunge, ashimangira imbaraga zo kubabarira, kwimakaza amahoro n'ubworroherane mu miryango aho atuye.

Nyuma y'imyaka hafi mirongo itatu ishize kuva amahano ya jenoside yatwaye ubuzima bwa benshi abaye, inkuru ya Daphrose Mukarutamu n'umuryango Duhozanye ni gihama cy'imbaraga n'ubushoboz bw'umugore mukwiybakira igihugu. Inkuru ya Daphrose itwereka imbaraga n'akamaro k'ubuvandimwe mu gihe cy'ibibazo ndengakamere, mu kubaka umuryango wuje ubumuntu no kwigarurira icyizere kubagezweho n'ingaruka z'ubwicanyi.



# **Annonciata MUKAYITETE**

**We n'umuryango we, Réseau des Femmes-Rwanda ntibahwemye guharanira uburenganzira bw'umugore, guha ubushoboz abagore no guteza imbere imibereho. Umurage wabo udutera imbaraga zo guca inzitizi, ukwitabira kw'abagabo, gushyira imbere uburezi, no guharanira ejo hazaza h'uburinganire nyabwo.**



Annonciata Mukayitete umwe mu bashinze Réseau des Femmes- Rwanda, yahariye ubuzima bwe guharanira uburenganzira bw'abagore muri sosiyete aho bari bahejwe. Yakuze abona imbibi n'inzitizi bishyirirwaho ku abagore, nko kutagira umwanya mu ubuyobozi, kutagira uburenganzira k'umutungo cyangwa se kuba batafunguza konti muri banki umugabo atabibahereye uburenganzira. Atewe imbaraga n'uburezi yahawe n'ubushake bwo guha amahirwe abagore, mu 1986 yashinze ishyirahamwe rya Réseau des Femmes- Rwanda.

Ishyirahamwe ryihaye intego yo kongerera ubushobozi abagore ribongerera ubumenyi n'ubuhanga kandi rinakurako inzitizi zitambamira iterambere ryabo. Bakoze ubushakashatsi, maze bagaragaza ibibazo abagore bahura nabyo, by'umwihariko ubujyanye n'uburezi, gutunga ubutaka, ubuzima, uburenganzira bwa muntu ndetse n'iby'ubushobozi mu ibyo ubukungu. Réseau des Femmes yashyizeho amashami nka Haguruka, itanga ubufasha mu iby'amategeko na Duterimbere ishyira imbere guha ubushobozi mu iby'ubukungu abagore.

Réseau des Femmes yakoze ubutaruhuka mu gukora ubuvugizi k'uburenganzira bw'abagore n'uburinganire, barwanya iohohoterwa rishingiye ku igitsina, batanga inyigisho ku uburenganzira n'buzima bw'imyororokere, bakemura ikibazo cy'abangavu baterwa inda, batezimbere kwimakaza amahoro. Ndetse kandi ishyirahamwe ryatanze amahugurwa kubyo kwiha mu ibiribwa, imirire, n'imirmo itishyurwa yo kwita ku abandi. Bakoze ubuvugizi kugirango abagore bahabwe umwanya mu amashyirahamwe n'imishinga itandukanye, bituma amajwi yabo yumwva.

Xaverine Uwimana, umwe mu abanyamuryango ba Réseau des Femmes-Rwanda, ashimangira ku byiza byo gufatanya n'abagabo mu urugendo rwo guharanira uburinganire. Guhindura imyumbire no gushishikariza abagabo guha agaciro abagore byari ingenzi ku kugera Ku iterambere rirambye. Uwimana yerekana uburyo uburinganire bukenewe mu ukurera abana no kongera uburyo abagore bahagarariwe mu myanya ifatatirwamo ibyemezo.

Nubwo bahuraga n'imbogamizi kubera ubuyobozi bwavanguraga, Réseau des Femmes yakomeje gukora. Bagize amahirwe ubuyobozi buriho ubu burabafasha, ibyo byatumye imbaraga bashyiraga mubyo bakora ziyongera cyane. Mukayitete atewe ishema n'ibyo abagore bamaze kugeraho mu u Rwanda, yerekana uburyo bajya mu mirimo itandukanye irimo nk'iyo gucunga umutekano no kuba ba rwiyemezamirimo.


Iyo arebye ibiri imbere ahamya ko uburezi ari ingenzi. Iyo uburezi bwo mu byiciro byose kuva mu amashuri abanza kugeza muri kaminuza bigizwe ingenzi, abakobwa bashobora kubona ubumenyi n'ubuhanga byabafasha kugira uruhare rufatika muri sosiyete kandi bakigirira icyizere cyo kuba mu abafata ibyemezo. Mukayitete ashishikariza abana b'abakobwa gukoresha amahirwe ahari, kuko ubu abagore bafite ijambo muri politiki, no mu bindi bice by'ubuzima bitandukanye.

Ukwitanga kwa Annonciata Mukayitete no guhozaho kwa Réseau des Femmes-Rwanda byasize ikimenyetso kidasibangana kuri sosiyete Nyarwanda. Binyuze mu bikorwa byabo, bongereye ubushobozi abagore, bazamura imyumbire ku ibibazo bifitanye isano n'uburinganire, kandi baharurira inzira ahazaza hangana kuri bose. Nubwo hakiri ibibazo ahazaza haratanga ikizere ku abagore bo mu u Rwanda, kubwo kwiyemeza kwabo kutajegajega.



# Godelieve MUKASARASI

**Nyuma y'ububabare butavugwa, Godelieve ni urugero rwo kwihangana no kugira impuhwe. Amateka ye aratwibutsa ko no mu bihe by'umwijima, ifumbi y'urukundo, ukuri, ubugwaneza, ubwangamugayo n'ubumuntu igomba gucumba.**



Mu bihe biteye agahinda u Rwanda rwanyuzemo nyuma ya jenoside ya korewe abatutsi mu wi 1994. Umugore w'indashyikirwa n'inararibonye, Godelive MUKASARASI, wamenyekanye nka "Maman Sevota", izina yahawe kubera umuryango yashinze wita ku imfubyi n'abapfakazi: "Service d'encadrement des veuves et des orphelins de Taba", yabaye umusingi wo gutanga umuganda mu kubaka igihugu cyari cyuzuye amatongo hirya no hino. Ubwitange yagize mu gufasha imfubyi n'abapfakazi nyuma ya jenoside yakorewe abatutsi mu mwaka w'l 1994, bwatumye agirwa "umurinzi w'igihango." Inkuru ye ivuga k'urukundo, umuryango, ndetse n'imbaraga zo kwanga gutsindwa ziba mu bagore.

Mukasarasi yavutse mu w'i 1959, avukira mu cyahoze ari perefegitura ya Gitarama mu karere ka Muhamma. Yakuriye mu muryango wuje ubumuntu n'ubufatanye; ubumwe, ubufashanye n'ubugwaneza nibyo bybarangaga umubano n'abandi baturanyi. Izo ndangagaciro nizo zatumye nyuma ya jenoside yakorewe abatutsi ahagurukana ibakwe, iyemeyeza kuba inyamuhiribona mugufasha no kugoboka abashegeshwre na jenoside. Ku ikubitiro, yafashije abapfakazi gukira ibikomere, kwiyubaka no kwiteza imbere. Yakoreye kandi ubugizi abagore bafashwe kungufu, abatinyura kuvuga bashize amanga ibyababayeho no kwakira abana bavutse kuri iryo hohoterwa. Yagize kandi uruhure mubikorwa bihuza abantu batandukanye, hagamijwe guteza imbere umuco n'indangagaciro na kirazira. Ibi byose, mugihe gisaga imyaka 25, yabisibojwe n'isengesho, urukundo akunda umuryango we, ndetse n'ubumuntu bwe bumuranga.

Mu isengesho rye rya buri munsi, yasabaga Imana ngo imurindire inshuti n'abavandimwe bicwaga muri jenoside. Nyamara ikibabaje kurushaho ni uko umukobwa we yafashwe ku ngufu n'interahamwe mugihe cya jenoside. Amaze kubona ubukana bw'ingaruka za jenoside yakorewe abatutsi, amaze kandi kubona uburyo ki ababyeyi bagorwa no kwita kubana bavutse bafashwe kungufu, Mukasarasi yabonye byihutirwa gushinga urugo rwo kurereramwo izo mfubyi(orphelinat). Uretse ibyo kandi, yashinze itsinda ry'abapfakazi yise"urunana rw'abashaka amahoro", itsinda ryatangaga ubuhamya bw'amarorerwa n'amahano yo gufatwa kungufu mugihe cya jenoside.

Mukasarasi ntイヤイwi intege n'inzitizi yahuye nazo; umuryango wa Sevota waguye ibikorwa, utanga ubufasha mubuvuzi, isanamitima ndetse no kubakira ubushobozi abapfakazi basizwe iheruheru na jenoside. Sevota, iharanira kubaka umuryango nyarwanda wuje amahoro, ubumwe n'ubwiyunge.

Urugendo rwa mama Sevota ntabwo rwahagarariye ku bikorwa bya SEVOTA gusa, kuko we n'umugabo we babaye abatangabuhamya mu rubanza rw'amateka rw'uvari umuyobozi w'akarere kabu, mu rukiko mpuzamahanga mpanabyaha rwashyiriweho u Rwanda Arusha(ICTR) akaba umwe mu bagize uruhare rukomeye mu itegurwa rya jenoside. Uru rubanza rwabaye urwa mbere, aho amasezerano yo mu 1948 ajyanye no gukumira no kurinda ibyaha bya jenoside yashyizwe mu bikorwa. Guharanira ubutabera kwabo byatanze icyizere mu gihugu.

Nyuma ariko ibyago byo kubura abe byahungabanyije ibyemezo yari yarafashe. Kubura umukobwa we ndetse n'umugabo we bishwe n'imitwe yitwaje intwaro, byamuteye gushidikanya. Muri ibyo bihe bigoye, abagore yari yarafashije bamubaye hafi, ndetse ubufasha bwabo bumutera imbaraga zo kurenga agahinda kose yari afite.

Uyu munsi ibyiza mama Sevota yakoze birivugira. Ubwitange n'umurava bye byamuhesheje ibihembo bitandukanye, harimo nka "Human Rights International Award" cyo mu w'i 2011, hamwe na "international Women of Courage Award" cyo mu w'l 2018. Guverinoma y'u Rwanda nayo yamwambitse umudali w' umurinzi w'igihango" nk'ikimenyetso cy'uruuhare rwe mu guharanira ubutabera n'isanamitima.

Ijwi rya Mukasarasi rihamagarira abantu impinduka. Ashimangira cyane akamaro ko kurwanya no gukumira ihohterwa rishingiye ku gitsina, rikorerwa igitsina gore mu bihe ndetse na nyuma y'ama imbirane kubw'invu gu rusange z'aburage. SEVOTA ira takomeze kuba isozio yo gufasha ubufasha, cyane abagore gufasha ubufasha mu gufasha zo muri ibihembo. Gufasha zo



# Mary **BALIKUNGELI**

Nk' umusemburo wimpinduka, akoresha umwanya we nkumuyobozi n'uwashinze ihuriro ry'abagore b'u Rwanda kugira ngo atabarize ihohoterwa rishingiye ku gitsina. Hamwe n'ubwitange butajegajega, yaharaniye kurwanya ubusumbane n'ihezwa ry'umugore mubuyobozi, anarwanya yivuye inyuma ihohoterwa iryo ariryo ryose ribakorerwa, cyane cyane ihohoterwa rishingiye kugitsina.



Mary Balikungeri, washinze kandi akaba anayobora Rwanda Women's Network (RWN), n'indashyikirwa mu kurwanya ihohoterwa rishingiye ku gitsina (GBV) n'ubusumbane bushingiye ku igitsina.

Uko imyaka yakomezaga kwicuma kwiyemeza kwa Mary kwahindutse urugendo rw'ubuzima bwe, aharanira kurandura burundi ihohoterwa rishingiye ku igitsina mu Rwanda. Abinyujije muri RWN, amaze kongererera ubushobozi abagore batabarika, abafasha kwikura mu makimbirane n'ihohoterwa bidashira, kandi anabashishikariza kujya mu myanya y'ubuyobozi aho batuye. Kubwo kubafasha ijwi ryabo rikagera kure, Mary yatumye abo bireba babona ko byihutirwa kuzana impinduka. Yagize ati:"imbaraga nazitewe n'urukundo nkunda u Rwanda, intego yari iyo gufata imfubyi z'abana b'abanyarwanda nkazishyira mu miryango, kuko aho imfubyi zirererwa hari hamaze gufungwa. Urugendo rw'ibikorwa byanje rwatangiriye aho, maze dutangirana no kubanza gushaka abagore, ndetse n'imiryango ifite ubushake kandi yifuza kwakira izo mfubyi."

Ikfuzo cye cyari uguha amahirwe abagore nk'uko nawe yayahawe ubwo yaratuye hanze y'igihugu, abafasha mu rugendo rwo gukira ibikomere, kandi ari nako abongerera ubushobozi, ndetse anabafasha guhindura umubabaro wabo ukavamo imbaraga zo kuyobora, kuko umugore w'umunyandwandakazi yariyubatse kandi arashoboye.

Mary hamwe n'ishyirahamwe rye baharanira ko abaturage bagira ubushobozi, cyane cyane abakobwa, kuko bashobora kuba abambere mu kuzana impinduka mu imiryango bakomokamo, bazamura imyumvire, ndetse bakanatoza abandi gusobanukirwa byimbitse ibijyanye n'ihohoterwa rishingiye ku igitsina. Ikindi kandi, banafatanya n'inzego z'ibanze mubukangurambaga bwo kurandura burundi ihohoterwa rishingiye ku gitsina, kuko ariyo bifasha kubona igisubizo kirambye kandi na buri wese akabyibonamo. Kubuyobozi bwa Mary, RWN ikora iyo bwabaga kuburyo ubutumwa bwo kurwanya ihohoterwa bugera no mu nzego zifata ibyemezo, bakoresheje imbuga zibibafashamo urugero nk' ihuriro rya SDG5.

Mary yakoze ubutaruhuka kugirango ateze imbere gahunda z'uburinganire ndetse n'uburenganzira bw'abagore ku rwego rw' igihugu, ku rw'akarere ndetse no ku rwego mpuzamahanga. Nk'umuyobozi wa the African Network of Women Shelters(ihuriro nyafurika kumacumbi y'abagore) ndetse akaba no mu nama y'ubutegetsi ya "the Huairou Commission," yagize uruhare ku rwego mpuzamahanga mu kurwanya ihohoterwa rishingiye ku gitsina. Ni umunyamuryango wa UN Women VAW Peace and Security Reference Team, yitabira amahuriro menshi yo ku rwego mpuzamahanga nka UN Commission on the Status of Women (CSW) kugirango hatezwe imbere uburenganzira bw'abagore kandi ihohoterwa rishingiye ku gitsina rirandurwe burundi. Uyu munsi Mary akomeza gukora ubuvugizi, kugirango abakorewe ihohoterwa babone ahantu hatekanye bakwisanga, akaba ariyo mpamvu akomeza guhatana ngo haboneke amacumbi ahoraho, aho abagore n'abakobwa babonera ubuhungiro ndetse bakanahaherera ubufasha ndetse bakanisuganyiriza hamwe ngo bazane impinduka.

Mu uguha agaciro akazi yakoze kadasanzwe, Mary yahawe igihembo cya "Point of Light" n'umwamikazi Elizabeth mu mwaka wa 2018. Uko guhabwa agaciro byagaragaje umusanzu udasanzwe wa Mary n'ibikorwa by'indashyikirwa bye mu gufasha abakorewe ihohoterwa rishingiye ku igitsina. Urugendo rwa Mary Balikungeri, ni urugendo rwo kwihesha agaciro, kwihangana, no kwitangira bitisubiraho uburinganire bw'umugore n'umugabo. M'ubuyobozi bwe bureba kure, no gukora atarambirwa, yabashije guhindurira abagore batabarika ubuzima, n'ibikorwa bye bisiga ikimenyetso kidasibangana kumuryango nyarwanda ndetse no hirya no hino ku isi.



# Cecile KAYIREBWA

Ni umwe mu bahanzi  
bazwi cyane muri muzika  
y'U Rwanda igezweho.  
**Nyuma y'ihirikwa**  
ry'ubutegetsi mu Rwanda  
kwabaye muri 1973,  
yahungiye mu Bubiligi.  
Aha niho yatangiriye  
gukuza impano ye,  
atangira kujya munzu  
zitunganya umuziki,  
ndetse atangira no  
gusohora indirimbo.  
**Arashishikariza**  
abakobwa bakiri bato  
gukunda impano zabo  
kugirango babashe  
kubaho banyuzwe  
n'ammahitamwo yabo.

Cecile Kayirebwa ahagaze yemye nk'ikitegerererozo cy'indashyikirwa mu ruhando rw'umuziki nyarwanda. Urugendo rwe mumuziki, rwammwambukije imipaka, ubu n'ibwotamasimbi ni ikimenywa na bose. Cécile, afite indirimbo nyinshi kandi buri yose yamenekanye, igiye ifite inkuru yihariye. Umwihariko we, ni uguhuza injyana gakondo n'ya kizungu, bityo bikanya imitima ya benshi mu Rwanda no hanze yarwo.

Kuva mu bwana bwe Cecile ntiyatanaga n'umuziki. Avuka mu mwaka w'i 1946, Cecile yakuriye mu muryango wamureze neza, ababyeyi be ntibigeze bamubera imbogamizi habe na mba; mu kubishimangira yagize ati:" ababyeyi banje ntibigeze babangamira ubushobozi nari nifitemo bitewe n'uko nari umukobwa cyangwa indi mpamvu iyo ariyo yose." Na mbere y'uko arangiza amashuri yisumbuye, yari yaramaze gushinga amakorali n'amatorero abyina Kinyarwanda, ari nako yubaka umusingi w'umurage we.

Ishyaka n'urukundo by'umuziki bya Cecile, byagumyeho, n'ubwo yagiye gukora nk'ushinzwe imibereho myiza nyuma yo kurangiza amashuri mu myaka y'i 1970. Ni muri icyo gihe yajyaga ajya gutaramira umwamikazi wa nyuma w'u Rwanda- Umwamikazi Rosalie Gicanda, ubwo Cecile yabaga yasuye u Rwanda. Yarabyibutse agira ati:" rimwe na rimwe njye n'itorero twazanye, twajyaga tumusura, tukamususurutsa mu mbyino n'indirimbo byacu. Uburyo yatkiranaga urugwiro ntiduteze kuzabyibagirwa."

Inzozi ze zahungabanyijwe n'ihirikwa ry'ubutegetsi ryo mu w'i 1973 mu Rwanda, rizwi nk'ihirikwa ry'ubutegetsi ryo ku itariki ya 5 Nyakanga. Kubera akaga gaterwa n'intambara, Cecile yahunze igihugu cye, ashakira ubuhungiro mu Bubirigi ari kumwe na Nyina. Ari iyo ariko, yakomeje gukoresha ijwi rye nk'umuririmbyi, aririmbiro abanyarwanda bari batuye iyo.

Hari umuhanzi umwe w'ingenzi bahuriye mu Bubirigi maze amuhindurira ubuzima, ndetse anabuha icyerekezo. Yagize ati:" ndabyibuka neza ubwo nahuraga n'umuhanzi umwe, maze akanjyana aho batunganyiriza umuziki, bwari bwo bwa mbere mpagaze. Nahise mbikunda cyane. Bwari ubwa mbere ngize ibyishimo bingana bityo, kwisanzura, no kumva ndi mu busabane no gukunda ubuhanzi bwanje. Aho niho umwuga w'ubuhanzi bwanje bwahinduriye icyerekezo."

Cecile n'umufasha we bafatanyije kurera abana bane, bamuberaga nk'isoko avomamo byinshi mu ibihangano bye, kensi akaba aribo biganza mu magambo yandika. Yakomereje amashuri ye mu ishuri rya the Royal Museum for Central Africa in Tervuren, mu Buburigi, ahagirira amahirwe yo gucukumbura byimbitse ibyari muri iyo ngoro ndangamurage y'amateka k'umuco gakondo we.

Hagati mu myaka y'i 1980, Kayirebwa yakoze ibitaramo bye bya mbere, bizenguruka uburayi n'amerika, ari mu itsinda rya Bula Sangoma, bibageza ku gukora alubumu yabo yakunzwe mu 1985. Yagize ati:" ntagushidikanya, kuba ahantu hatanga ubwisanzure byaramfashije. Abantu hariya bari basobanukiwe byimbitse iby'ubuhanzi, kandi imyumvire ishyira umugore hasi yari mike. Nagize amahirwe yo kunyura mu bintu bitari bimenyerewe ku bandi bagore nari nasize iwacu."

Indirimbo ye yakunzwe cyane "Umunezero" yari ijyanye n'urugamba rwo kubohora igihugu rwa FPR, ndetse bikomeza bityo na nyuma yarwo. Alubumu ye ya mbere "music from Rwanda" yagaragaragaho indirimbo za Jean Christophe Mata, zerekanye impano ye, nyuma yakurikiwe n'izindi mu w'i 2002 na 2005. Yemera ko buri ndirimbo ari urugendo. Mu ijwi rituje amwenyura yagize ati:" buri nota ndirimba yaba ari ibihozo, yaba izibikira abana banje, cyangwa izo ntura Mama, n'igihugu cyacu dukunda, zose ziba zibara inkuru."

Injyana y'indirimbo za Kayirebwa yanyuze imitima ya benshi kugeza no mu mahanga ya kure. Byaba ari ku munsi wa London's solemn BBC Holocaust, umunsi w'isabukuru ya Mandela "Mandela's Millennial birthday" cyangwa ijoro risoza umwaka muri Kigali, umuziki we ushimisha abawumva. Urugendo rwe rusaga imyaka mirongo itandatu rwamuhesheje igihembo cyubashywe cya KORA All-Africa Music Awards mu 2016.

Icyerekezo Cecile yifuriza igihugu cyamubyaye, gihura neza n'umuziki we. Abona igihugu kirera ibyamamare, ahari ubuyobozi bose bibonamo, butanga umwanya wo kwagukiramo n'amahirwe angana. Mu maso he, hashimangiraga ibyo avuga maze agira ati:" tugomba kuba injyana y'impinduka dushaka kumva, dufite ubushobozi bwo guha ishusho ahazaza hacu, ndetse nubwo gutegura no gushyira mu bikorwa impinduka twifuza."

Ubutumwa bwa Cecile ubwo yaruhukaga ibyo gukora umuziki, ni ubwo guhamagara kandi buhuriza hamwe urubyiruko, cyane cyane abakobwa b'u Rwanda. Kubwe abona ko bafite amahirwe, kubwo gukurira mu gihe bafite umutekano kandi bashigikiwe, ndetse ko ikoranabuhanga ryabahaye urubuga rwo gukuza impano zabo zihariye. Yagize ati:" ubu noneho nicyo gihe cyanyu cyo gutuma isi ibumva. Rero ni mumurike mugaragarire buri weze mu nzira yanyu yihariye yo kugera kubyo mwifusa."



# **Felicite RWEMARIKA**

Aharanira uburinganire abinyujije muri siporo. Urugendo rwe rutanga ubuhamya bw'imbaraga ziva mu kwiyemeza, guhozaho no kwizera ko buri mugore wese yaba indashyikirwa, agahindura ubuzima bwe abinyujije muri siporo



Felicite Rwemarika n'indashyikirwa mu guharanira uburinganire muri siporo nyarwanda. Nyuma ya jenoside yakorewwwe abatutsi mu mwaka w'i 1994, yiyemeje gufasha abagore barokotse, maze ashinga umuryango bita "Association of Kigali Women in Sports" (AKWOS). Abinyujije muri AKWOS, akora ubuvugizi ku bijyanye n'uburinganire agakoresha siporo nk'uburyo bwo kubaka amahoro, gukemura amakimbirane no kwitezimbere mu iby'ubukungu. Ibikorwa bye byamuhesheje umwanya muri komite mpuzamahanga ya Olempike.

Rwemarika mu rugendo rwe amaze kugera kuri byinshi, mu mwaka wa 2017 yabaye umugore wa mbere ubaye visi perezida wa komite olempike ku rwego rw'igihugu mu Rwanda. Yabaye kandi pererezida wa komisiyo y'umupira w'amaguru w'abagore mu ishyirahamwe ry'umupira w'amaguru mu Rwanda. Nubwo yahuye n'ingorane nyinshi kugera aho bamwita "umugore w'umusazi" kubw' ubuvugizi yakoraga ubutaruhuka. Rwemarika ashize amanga yarenze kubyafatwaga nk'ihame, kugirango ahe ubushobozi abagore n'abakobwa abinyujije muri siporo.

Rwemarika yavutse mu 1958, akurira mu muryango wamucaga intege ukamubuza gukora no gukunda siporo. Nyamyanezezwaga no kubona se umubyara atera umupira w'amaguru ndetse n'umupira w'intoki wa volley ballara. Ibi byatumye akura akunda siporo cyane, dore ko yaje kwisanga muri siporo ndetse no ari n'umubyinnyi. Yatashye mu Rwanda nyuma y'i 1994, yiga amasomo y'ubuforomo, arangiza amashuri ya kaminuza mu bijyanye n'ubucuruzi. Rwemarika kandi yarangije muri porogaramu ya FIFA mu bijyanye n'ubuyobozi mu by'umupira.

Yashakanye n'umuganga uvura amenyo wari mu ngabo zabohoye igihugu. Rwemarika yareze abana babo bane ari nako abona imbaraga zahindura ibintu ziba muri siporo. Yashinze ikipe ya mbere y'abakobwa y'umupira w'amaguru mu 1997 abinyujije muri AKWOS, n'ubwo abantu batabyumvaga. Yahuye n'inxitizi nyinshi, ariko amaherezo ibyo yaharaniraga byaje gushyigikirwa n'ubuyobozi bw'umvaga inyungu ziri mu gutanga amahirwe angana, n'uko na leta iba umuterankunga mukuru. Mu myaka yakurikiyeho abagore bitabiriye siporo, kuburyo ubu mu Rwanda ari ibisanzwe kubona abagore bitabira siporo n'ibindi bikorwa bijyanye nayo kubwo kwitanga kwa Rwemarika.

Ku bufatanye na minisiteri y'uburezi, Rwemarika yashyizeho buruse ku banyeshuri b'abakobwa bari mu mikino ngororangingo. Yakoze ibishoboka byose ku buryo muri buri karere habamo ikipe y'abagore, by'umwihariko bikagera ku bagore bo mu cyaro. Amarushanwa ya The National Champions League akunzwe cyane mu Rwanda, yateye imbere bigizwemo uruhare na Rwemarika.

Uretse kuba impirimbanyi ya siporo, Rwemarika yaharaniye ko abagore bagira umwaya mu buyobozi ku rwego rw'intara, ndetse ko haboneka ingengo y'imari yo gukoreshwa mu bikorwa bya siporo y'abagore. Yatangije ibikorwa by'amahugurwa ku basifuzi n'abatoza b'abagore mu nzego z'ibane, ndetse no ku rwego rw'igihugu. Hejuru y'ibyo yongeyemo uburyo bwo kunyuza ubutumwa bukangurira abantu kurwanya ihohoterwa rishingiye ku gitsina, uburwayi bwa SIDA n'agakoko kayitera, ndetse n'ubutumwa bujyanye n'ubuhinzi mu mikino y'umupira w'amaguru, kandi agakoresha amakipe nk'uburyo bwo kwiteza imbere mu bukungu ndetse n'uburezi.

Ibikorwa bya Rwemarika byagukiye mu gutanga ubushobozi mu by'ubukungu. Yashyize abagore mu matsinda bakora imishinga y'ubuhinzi, abari muri ayo matsinda bagashora imari bashyize hamwe mu bikorwa by'ubuhinzi n'ubworozzi biteza imbere imibereho yabo. Mu rugendo rwe Rwemarika yahuriye hamwe imbaraga, kwihangana ndetse no guha ubushobozi abagore n'abakobwa mu Rwanda no hanze yarwo. Kwiyegurira guharanira uburinganire, no kwerekana ubushobozi buba muri siporo byamuranze, kugeza n'ubu biracyabera ikitegererezo benshi. Rwemarika ashishikariza urubyiruko cyane cyane urw'abakobwa, kubyaza umusaruro amahirwe ubuyobozi buhari butavangura butanga, ndetse n'ikoranabuhanga mugukemura ibibazo no kugirira akamaro isi muri rusange.



# **Donatilla KANIMBA**

**Igikorwa cye ni itara ry'icyizere ku baturage bafite ubumuga bwo kutabona. Ubuvugizi n'ubwitange bwe byatanze amahirwe kandi bisenya imyumvire, byerekana ko hamwe n'uburenganzira n'ubufasha bungana, ababana b'bumuga bashobora gutera imbere no kugira uruhare mumuryango mu buryo budasanzwe.**



Donathile Kanimba, umuyobozi w'ikigo Nyarwanda cy'ababana n'ubumuga bwo kutabona (RUB), yahariye ubuzima bwe guhangana n'imyumvire itariyo kandi agakora ubuvugizi k'uburenganzira bw'abantu babana n'ubumuga bwo kutabona, by'umwihariko abagore mu Rwanda rwa nyuma ya jenoside. Afatanya n'abandi gushinga RUB mu 1995, Kanimba yari agamije gushyiraho urubuga rw'ababana n'ubumuga bwo kutabona ndetse n'abatabona neza, kugirango bagaragaze ibibazo bahura nabyo ndetse bishakirwe ibisubizo.

Imwe mu inzitizi za mbere bakuyeho harimo guhezwa kw'ababana n'ubumuga bwo kutabona mu burezi. Nubwo bamwe bize amashuri abanza, ariko ntibemererwaga kujya mu mashuri yisumbuye kuko batabashaga gukora ikizamini cya leta gisoza amashuri abanza. Biyemeje rero kurwanirira uburenganzira bwabo ku burezi, maze Kanimba na RUB begera guverinoma bayerekira ko abanyeshuri bafite ubumuga bwo kutabona, nabo bashobora gukora ibizamini mu gihe bateguwe neza. Mu kuboza 1995 abanyeshuri babana n'ubumuga bwo kutabona bakoze ikizamini cya leta baratsinze maze byongera umubare wabiyanidikisha kujya mu mashuri yisumbuye na za kaminuza. Ubuvugizi bwa RUB kandi, bwagaragaje ko guha uburezi ababana n'ubumuga bwo kutabona, bituma hafungurwa ibigo by'amashuri byinshi by'ababana n'ubumuga bwo kutabona.

Abonye ko uburezi bugira uruhare rw'igenzi mu kwagura ababuhawe no kubaremamo kwigirira icyizere, Kanimba yashimangiye ko uburezi ari uburenganzira bwa buri munyarwanda, udasize n'ababana n' ubumuga bwo kutabona. Byongeye kandi, RUB yatangije gahunda zibasubiza mu buzima busanzwe, izana gahunda zo kubongerera ubushobozi mu iby'ubukungu. Gahunda nk'iz'ubuhinzi, ubworozi no kuboha, byatumye batangira guhatanira amasoko, bigisha kwigira mu iby'imari no kuba nk'abandi bakora imirimo itandukanye.

Kanimba asobanukiwe imbogamizi abagore babana n'ubumuga bwo kutabona bahura nazo by'umwihariko, kuko kenshi bapfobywa bakanacibwa intege zo kwegerana n'abandi. Ibi bikaba bituruka ku myumvire y'uko abagore babana n'ubumuga bwo kutabona babera umutwaro imiryango yabo mu igihe baba babaye ababyeyi. Bitandukanye n'abagabo babana n'ubumuga bwo kutabona kuko bo bashishikarizwa gushaka, maze bagatungwa n'abagore bashakanye. RUB rero yashyize imbaraga mu kurwanya iryo pfobywa, n'imyumvire abagore babana n'ubumuga bwo kutabona bagira, yo kumva ko ntacyo bamaze ndetse ko bakwiye gutungwa n'abandi, maze ikora ibishoboka byose igamije ko habaho umuryango uha agaciro umugore ubana n'ubumuga.


Icyerekezo Kanimba yihaye n'ugukora uko ashoboye kugirango ababana n'ubumuga bwo kutabona bagire uburenganzira n'amahirwe angana n'ay'abandi. Yemera ko bakwiye kugezwaho uburezi ndetse n'imirimo nta mananiza bashyiriweho, cyangwa se indi mitwaro iyo ariyo yose. Akora ubuvugizi ku kudahezwa no kwakirwa mumuryango kw'ababana n'ubumuga bwo kutabona, binyuze mu burezi, hagamijwe kubongerera ubushobozi bwo kubasha kwiyitaho ubwabo. Kanimba ashimangira ko ubufasha butangwa, bukwiye kuba bujyanye n'ibyifuzo byabo.

Hamwe n'umutima ukomeye no gukora ataruuhuka, Kanimba yahinduye uko ubumuga bufatwa mu Rwanda. Yashenye imyumvire mibi anaharura inzira yo kugera kumuryango udaheza, wemera kandi ugaha agaciro impano, ubumenyi, n'ubushobozi bw'abagore n'abagabo babana n'ubumuga bwo kutabona. Imbaraga ze n'ubwitange byerekana ubushobozi buri mugore yifitemo.



# Aloisea INYUMBA

Kuva mu nkambi  
y'impunzi kugera mu  
ngoro y'ubutegetsi,  
urugendo rwe ni urugero  
rwiza ku muntu wese  
ushaka impinduka, cyane  
cyane mubuyobozi.



Aloisea Inyumba, yari umuntu ureba kure, yahariye ubuzima bwe kuzamura uruhare rw'umugore mu iterambere ry'ighugu. Nk'umuyobozi ukomeye kandi uzi kwihangana, yakuyeho inzitizi ahindura n'imyumvire ya benshi, asiga ikimeneysso mu mateka y'ighugu. Inkuru ye n'iyo kunesha ingorane ndetse n'ubwitange butajegajega mu guharanira uburinganire bw'umugore n'umugabo.

Yavukiye I Bugande tariki ya 28 ukuboza, 1964. Urugendo rwa Inyumba rwatangiriye mu nkambi y'impunzi, aho umuryango we wari warahunze imvururu za politiki no gutotezwa byakorerwaga abatutsi mu Rwanda. Yarezwe na nyina wari umunyamurava, akurana n'abavandimwe be batanu. Ubuzima bwabo bwagizweho ingaruka n'amahano y'ubwicanyi bware bwarakorewe abatutsi mbere, umuryango we wari warabashije kurokoka urahunga, ibyo bikaba ikimeneysso cy'imbaraga no kwihangana byabo.

Ukwitangira igihugu bya Inyumba byatangiye mu mpera y'imyaka yaza mirongo inani igihe yinjiraga muri Rwandan Patriotic Front(RPF) Ubwo yari atuye mu Buganda. Akora nk'ushinzwe imari, yagize uruhare rukomeye mu gutegura no gushyira mu buryo ikusanywa ry'imisanzu n'inkunga yo gufasha mu rugamba rwo kubohora u Rwanda. Ukwizera kutajegajega yari afitiye igihugu n'abaturage bacyo byatumaga adahwema gufasha kwishakamo ibisubizo by'ibibazo byari byugarije u Rwanda.

Nyuma yuko FPR ihagaritse jenoside yakorewe abatutsi ikanabohora igihugu, Inyumba yagizwe minisitiri w'uburinganire no guteza imbere umuryango. Muri izo nshingano z'ingenzi yari ahawe, yayoboye gahunda igera kuri benshi, igamije guha ubushobozi abagore, no kubashishikariza kugira uruhare muri gahunda zo gusana no kongera kubaka igihugu. Amarorerwa ya jenoside yasize abapfakazi benshi n'imfubyi batagira kivurira. n'abana benshi Inyumba yababereye umuvugizi ushikamye anabafasha guca mu bihe bikomeye by'agahinda n'ihungabana, ndetse ababera urugero rw'uko ibyiza biri imbere.

Uretse kongerera ubushobozi abagore , Inyumba yagize uruhare rukomeye mu gufasha no gufata mu mugongo no kuba hafi abarokotse ndetse no kubafasha gushyingura ababo mu cyubahiro. Yafashije imfubyi kubona imiryango, agira n'uruhare mu rugendo rw'ubumwe n'ubwiyunge. Uruhare rwe mu gusana igihugu by'umwihariko no gufasha abana n'abagore bari bababaye bikabije ntabwo ari amakabyankuru.

Mu cyizere kitajegajega yari afitiye ubushobozi abagore bifitemo, Inyumba yashinze ihuriro ry'abagore ku rwego rw'ighugu ritanga umwanya wo gukemura ibibazo byo mu miryango ndetse n'iby'imitungo bituruka ku ngaruka za jenoside. Ukwiyemeza gufasha abagore kwikura mu bibazo barimo ndetse no kubashishikariza guharanira kugira umwanya mumuryango byahinduye ubuzima bwa benshi kandi bikuraho imbogamizi nyinshi zari zihari. Yari yarasobanukiwe ko uruhare rw'abagore cyane cyane mu nzego z'ibanze rwari ingenzi mu kongera kubaka igihugu mu buryo burambye.

Imirimo ya Inyumba yarenze imbibi z'u Rwanda. Uretse kuba minisitiri yanabaye senateri, guverineri w'intara ndetse n'ugize komite ngishwanama nyafurika y'abagore. Yabaye kandi no munama y'ubutegetsi ya Women for Women International. Umusanzu ndetse no gukunda igihugu bye byamugize umwe mubafashije cyane iterambre ry'u Rwanda.

Urukundo ruhebuje Inyumba yakundaga igihugu cye rwari gihamya cyo kwitanga atizigama yagize. Binyuze mu musanzu we, u Rwanda rwageze kuri byinshi mu ibijyanye no kurwanya ubukene, uburezi bugera kuri bose ndetse no kongera umubare w'abagore mu nteko, no mu yindi myanya mikuru y'ubuyobozi muri guverinoma. Ubwo igihugu cyari kimaze gusubirana kandi kiri mu nzira y'iterambere, abaturage bagezweho na serivisi y'ubwisungane mu kwivuza ibi byose bituma ubuzima bwabo burushaho kuba bwiza.

Mu buryo buteye agahinda urugendo rw'ikitegererero rwa Inyumba rwaje kurangira mu kuboza tariki 6, 2012 ubwo yitabaga imana azize kanseri yo mu muhogo. Igihugu cyose cyaramwunamiye ndetse umuhango wo kumusezeraho ubera mu ngoro y'inteko ishingamategeko. N'ubwo adahari, umurage we uzahoraho nk'urumuri rw'icyizere, umurava ndetse rutanga ubushobozi kubisekuropa by'ahazaza.

Aloisea Inyumba azahora yibukwa nk'indashyikirwa mu guharanira uburenganzira bw'abagore no kuba umusemburo w'impinduka. Kwiyemeza bitajegajega, no kureba kure kwe, bikomeza kubera urugero abagore hirya no hino ku isi kugirango bibohore inzitizi bahura nazo mumuryango kandi bagire uruhare mu kubaka ejo hazaza heza.

Ibyo Inyumba yagezeho bitwibutsa ko imbaraga n'ubushobozi bitagira imbibi. Yarenze inzitizi zari zimukikije nk'impunzi, ndetse nk'umugore arenga izo ngorane zose aba imbaraga zizana impinduka. Inkuru ye ibera isomo usibye abagore bo mu Rwanda gusa, ahubwo n'ahandi hose umugore ari ushaka kurenga inzitizi ndetse no kumvikanisha ijwi rye .

Uruhare rwe mu guteza imbere uburinganire bw'umugabo n'umugore ndetse no guharanira imibereho myiza y'abaturage, ruracyagaragara mu nzira u Rwanda rwafashe y'iterambere. Binyuze m'ubuvugizi bwe, abagore bahawe ubushobozi bwo kujya mu myanya itandukanye y'ubuyobozi ndetse no kugira uruhare mu iterambere ry'ighugu mu buryo budasanze. Inyumba yari yarasobanukiwe ko kugera kuri ejo hazaza heza bisaba gushyira hamwe hagati y'abagore n'abagabo, ndetse ko imbaraga zabo bombi arizo zizageza u Rwanda aho rwifuzza kugera.



# Dative

## MUKESHIMANA

Ibikorwa bye byerekanye  
impinduka nziza kubagore,  
yazamuye abagore abaha  
iterambere rirambye.  
Izamuka ry'ubukungu  
bwabo ni umusemburo  
w'iterambere ry'imibereho  
myiza n'uburinganire.

Mu gihe buri gitsina cyagiraga umwanya n'imrimo yacyo bishingiye k'umuco, itsinda ry'abagore makumyabiri n'icyenda bareba kure bahuje imbaraga, maze bashinga umuryango wiyemeje kongerera ubushobozi abagore hagendewe ku byo bagezeho n'abo baribo by'ukuri, aho kuba uko bagaragara inyuma. Ibyo bifuzaga kugeraho byari birenze ibyo umuryango watekerezaga kandi wemera. Bari bafite intego yo kwimakaza imibereho myiza, ubumenyi ndetse no guteza imbere ubushobozi bw'umugore. Bifuzaga umugore wifashije, umushoramari ndetse na bandebereho mumuryango.

Mu mwaka w'l 1987, nibwo Duterimbere yashinzwe ifite inshingano zo kwerekana ubushobozi n'uruahare umugore afite mu iterambere ry'ighugu. Muri izi ntajorwa zafashe iyambere muguharanira uburenganzira bw'umugore, harimwo Dative Mukeshimana, umunyamabanga nshingwabikorwa wa Duterimbere. Yavuze ko, abanyamuryango shingiro bashakaga kuzamura urwego rw'imibereho y'abagore, binyuze mu kubongerera ubushobozi mu ib'yubukungu.

Yishimye cyane yagize ati: "hambere abagore bari barahinduwe abasabirizi, bakesha buri kimwe abagabo babo, cyane cyane mu ngo zugarijwe n'ubukene bukabije. Ibyo bikaba intandaro y'amakimbirane mu ngo. Twabonye ko kwegereza uburezi abagore, no kubaha ubumenyi mu by'ubukungu, byari gutuma abagore bubahwa n'abagabo babo ndetse na sosiyete muri rusange. Ibi kandi bikabere umusingi abagore ngo baharanire uburenganzira bwabo, yaba mu ngo zabo, mu miryango aho batuye ndetse no mu gihugu hose."

Abanyamuryango ba Duterimbere, babonye ko kongerera ubushobozi abagore mu by'ubukungu, byabaha urubuga rw'ubwisanzure, bagasangiza abandi ibibabangamiye, bakarwanya ihohoterwa, ndetse bagakurizaho kujya mubuyobozi no munzego zifata ibyemezo. Duterimbere yiyemeje kubaha ubumenyi n'amahugurwa atandukanye, abafasha kuba ba rwiyemezamirimo, abayobozi, abacuruzi no gucunga imari. Mukeshimana agira ati: "twakoranye n'inzego z'ibanze mu gutoranya abagore bazaba abagenerwabikorwa b'imishinga yacu. Twabonye inkunga, dutanga amahugurwa, tunakora ubukangurambaga butandukanye. Tunabayobora mu uguhitamo ubucuruzi bashoramo imari bijyanye n'ibyo bashoboye, tunabafasha no kwiga imishinga, tubahuza n'ibigo by'imari aho bashobora kubona inguzanyo." Mukeshimana akomeza asobanura ati: "twabahuguye ku bijyanye n'imisoro, kwizigamira ndetse n'ibijyanye n'ibigo by'imari. Twakomezaga kubafasha kugeza bagize ubushobozi buhagije maze tukabacutsa tugafata abandi."

Kugirango ibikorwa n'inyungu by'abagenerwabikorwa babo birambe, Duterimbere yashinze Duterimbere IMF, ikigo cy'imari gitanga uburyo bworoshye bwo kubona inguzanyo. Ku bagenerwabikorwa barenga 50.000 gifite ubu, iki kigo gikorera mu intara zose z'ighugu. Kirajwe ishinga no gikomeza kongerera ubushobozi abagore, kandi ibi byagize impinduka mubuzima bwa buri munsi bw'abagore.

Batangiye Duterimbere ari abanyamuryango makumyabiri n'icyenda . Athanasie Mukabagwire, Leoncie Mukamisha, Zaina Nyiramatama, Annie Mugwaneza, Felicula Nyiramutarambirwa, nibo baza kuruhembe mugutangiza uyu muryango, kugeza ubu umuryango waragutse, ugeze kubanyamuryango 800, kandi ifite amashami muturere dutandukanye tw'ighugu. Duterimbere ifite inzozi zo kwagura ibikorwa byayo bikarenga imbibibi z'ighugu bikagera ibwotamasimbi. Intego yabo ikaba ariyo kongerera ubushobozi abagore bo mu karere no hiryu no hino k'umubumbe.

Umunyamabanga nshingwabikorwa wa Duterimbere yemeza ko:"isi yahindutse nk'umudugudu, dukwiriye kwagura aho ibikorwa byacu bigera kugirango dukomeze kongerera imbaraga abagenerwa bikorwa bacu. Intego yacu, n'ukorohereza abagore no kubafasha kugirana amasezerano n'abakoresha babo bafite amasoko yagutse, mu Rwanda no hanze yarwo," ndetse arongera ati: "hejuru y'ibyo dufite intego yo gushyiraho ikigo kibafasha guhindura ibitekerezo by'ubucuruzi byabo imishinga ifatika, no gutegura amamurikagurisha, kugirango bamenyekanishe ibicuruzwa byabo bitabagoye. Intego yacu n' ukubaremamo kumenya kwirwanaho no kwihangana."


Mukeshimana agira inama abagore yo gukoresha amahirwe ahari, bakayabyaza umusaruro bagamije kugera kucyo bashaka. Ashimangira ko ubushobozi bifitemo butagira imipaka. Yongeraho ko: "Hatitawe k'ubukene bukabije cyangwa se ihohoterwa, abagore bagomba guhagarara bemye bakarenga ibyo byose bahura nabyo. Ntibakwiye gushidikanya ku bushobozi bwabo, cyangwa ngo bareke hagire ubasubiza inyuma. Hamwe na buri intambwe yose batera bashobora kugera ku nzozi zabo."

Uru urugendo rwo gutanga no kongerera ubushobozi abagore, ni urugero rwiza rw'ibyo abagore bageraho bakoreye hamwe ndetse bafite n'intego imwe. Ni ikimenyetso kandi ntakuka cy'imbaraga, kwihangana ndetse n'ubwenge by'abagore. Mu kwiyemeza bitajegajezwa n'ibibonetse byose, Duterimbere yahinduye ubuzima kandi inahindura imyumbire ya benshi.



# Solange AYANONE

**Abinyujije mu  
binyamakuru  
bitandukanye, avuga ku  
mbogamizi abagore  
bahura nazo kandi  
anashishikariza abagore  
b'abanyamakuru gushyira  
imbaraga mu kazi kab.**



Solange Ayanone, ni umugore w'umunyembaraga. Yakuriye mu muryango w'abakobwa batandatu n'umuhungu umwe, akurira ahantu abahungu bafatwa nka bari hejuru y'abakobwa. Nubwo hari icyo kibazo cy'ubusumbane, se yizeraga ko uburezi buzafasha abakobwa be kubahwa mumuryango. Ubwo mu 1992, nyuma yo kurangiza amashuri yisumbuye, inzozi za Solange zo kuba umunyamakuru zari zitangiye, yatangiye urugendo rwe mu itangazamakuru ajya gukora kuri Radio ndetse anahabwa amahugurwa kuri uwo mwuga.

Solange yari afite ishyaka ryo gukoresha itangazamakuru nk'umusemburo w'impinduka mu muryango mugari abarizwamo. Azwi ho kuba ijwi ryamagana ibibazo n'akarengane abagore n'abakobwa bahura nabyo mu Rwanda. Kwiyemeza guharanira uburenganzira bw'abagore yabigize ubwo yajyaga mu nama mpuzamahanga yiga ku bibazo by'abagore, no kwemeza amasezerano ya Beyijingi, n'uburyo bwo kuyashyira mu bikorwa mu 1995. Iyo nama yamubereye imbarutso yo gushaka gutanga umusanu we mu kongerera abagore ubushobozi.

Nk'umunyamakuru, Solange yagize uruhare mu mahugurwa atandukanye ndetse anakora gahunda zitandukanye zibanda ku guteza imbere ihame ry'uburinganire mu itangazamakuru. Ibyo yaciymo, byamuteye kwiyemeza guha abagore urubuga bagatanga ibitekerezo bisanzuye. Urugo rwe, ni urugero rwiza rwo guha abandi ubushobozi, kuko abana be bose yabafataga kimwe ntabusumbane, igikorwa cyakiriwe neza n'umugabo we.

Ku myaka 52, Solange Ayanone ayobora Afri-Media Ltd, ikigo kibanda ku itangazamakuru, itumanaho, no gutegura inama n'ibirori. Byongeyeho anakuriye urwego rw'ighugu Women in News, abafatanyabikorwa bakomeye bakorana, bagamije kuziba icyuho hagati y'abagore n'abagabo mu itangazamakuru.

Solange abona kandi yemera intambwe u Rwanda rumaze gutera, kuva rwakwemera amasezerano ya "Beijing Declaration and Platform for Action" muri 1995. Ubwiyongere bw'umubare w'abagore mu nteko ishingamategeko bwazanye impinduka mu mategeko atorwa. Mbere abagabo nibo bonyinye babaga banditse ku byangombwa by'ubutaka, bigatuma abagore ntamahirwe yo kubona inguzanyo babona. Arikho ubu imitungo yose barayisangira, kandi bagafatanya kuyicunga. Ubu abagore n'abagabo bafite uburenganzira bungana kuburezi. Byongeyeho kandi, itegeko rihana ibyaha by'ihihotera rishingiye ku gitsina ryashyizweho, rihana abakoze ihotera, kandi iryo tegeko rifasha guca intege no kurwanya ihotera rikorerwa abagore. Gushyira abagore mu myanya ya ba visi meya bashinzwe imibereho myiza y'abaturage n'ubukungu, ni indi ntsinzi Solange yishimira.

Nubwo hari ibigenda bigerwaho, Solange yifuza kubona abagore bensi mu myanya y'ubuyobozi mu nzego z'ibanze. Yemera ko abagore bakwiye guhagararirwa bikwiye. Bitewe n'ubunraribonye bwe, Solange ashimangira uruhare rwa radio z'abaturage mu kongerera ubushobozi abagore. Ibiganiro bahamagaramo, by'umwihariko bitanga umwanya mwiza ku bagore wo gutanga ibitekerezo no kuvuga ibibazo bahura nabyo. Arikho na none ni ngombwa ko hashyirwamo ingufu mu gukangurira no gushishikariza abagore gutanga ibitekerezo no kumenya kwivugira kurushaho, ndetse no gukora ibishoboka byose, kugirango ibiganiro bibakorerwa, bijyane n'ibyo bakeneye.

Mu bikorwa bye by'ubuvugizi, Solange yerekana ubusumbane buri mu itangazamakuru, hagati y'abagore n'abagabo. Mu mazu y'ibitangazamakuru, abagore bafata 5 ku ijana by'imyanya y'akazi kose, amajwi y'abagabo akaba anakomeje kwiganza mu biganiro bitandukanye by'itangazamakuru. Solange ahamagarira abanyamakuru gushyira imbaraga mu gushaka abo baha ibiganiro b'abagore. Ndetsse n'ibiganiro byinshi bigenewe abagore kenshi biba birimo abagabo bensi b'abanyamakuru, bikaba ari ibyerekana ko hakenewe impinduka.


Solange ashimangira akamaro ko guha ubushobozi abakobwa, binyuze mu burezi ndetse no gushyiraho uburyo bubashishikariza gutanga ibitekerezo. Solange yakoze ubuvugizi ndetse anahugura abagize inzego z'ibanze kubijyanye n'uburinganire, kuko abagore bafite ubushobozi bwo kuzana impinduka mumuryango.

Urugendo rwa Solange Ayanone, ni urugero rwiza rw'imbaraga z'itangazamakuru mu guteza imbere uburinganire ndetse no kongerera ubushobozi abagore. Ishyaka n'ubuvugizi bye, byasize inkuru itazibagirana mu muryango mugari nyarwanda, kandi byaharuriye inzira ahazaza heza huje uburinganire no kudahezwa kuri bose.



# **Carole KAREMERA**

**Impano ye itagira umupaka nk'umukinnyi wa filime, umucuranzi, n'umuyobozi yahinduye imiterere y'umuco w'u Rwanda. Nk'umuyobozi ufile icyerekezo kandi uharanira inyungu, aha imbaraga abahanzi, arengera ubwisanzure mu guhangwa, kandi agaharanira u Rwanda rwisanzuwemo n'abahanzi, aho ugushyira hamwe kwabo aribyo bizatuma babohera hamwe umurunga w'ubuhanzi.**



Carole Umuringa Karemera ni inyamamare mubuhanzi. Ni umukinnyi wa filime uzwi, umunyamuziki ndetse n'umuyobozi mu byo gutegura amakinamico na filime. Yatanze umusanzu ugaragara muby'ubuhanzi mu Rwanda no hanze yarwo. Yabyawe n'ababyeyi b' abanyarwanda abyirukira mu Bubirigi. Yakuriye iruhande rw'abahanzi bakomeye mu buhanzi gakondo, nabo bamusigira uru urukundo akunda ubuhanzi n'umuco. Carine K. niwe munyarwandakazi wa mbere wize mu ishuri rikomeye rya Royal Conservatory of Music and Drama mu Bubirigi, aho yanogeje ubuhanga mubyogukina amafilime n'ikinamico, iby'umuziki no kubiyobora.

Carole K. yubatse izina mu ikinamico, umuziki, n'imbyino byashimwe hirya no hino, harimo nka "Rwanda 94" ya Jacques Delcuvelerie, "Scratching the innerfields" ya Wim Vandekeybus, "We call it love" ya Felwine Sarr, kandi yanakiniye mu mazu areberwamo ikinamico no mu maserukiramuco atandukanye, kuva mu Bwongereza, Ubuyapani, Ositarariya n' Amerika, Ubuhinde na Venezuela, ndetse na Afurika y'epfo. Impano ye y'igitangaza yakuruye abayobora filimi n'amakinamico bakomeye nka; Peter Brook wamukinishije muri "Battlefield" yakunzwe n'abayibonye hirya no hino ku isi.

Umwuga mu bijyanye no gukina amafilimi yawutangiye neza mu 2004, aho yari umukinnyi w'ibanze muri filimi zatwaye ibihembo nka; "Sometimes in April" ya Raoul Peck, "Sounds of Sand" ya Marion Hänsel. Yahawe ibihembo birimo icyo kuba umukinnyi wa filimi mwiza w'umugore, icya One Woman Show hamwe n'icy'ikinamico iteguwe neza.

Mu Mwaka wa 2007, afatanyije n'undi, Carole K. Yashinze Ishyo Art centre, ishyirahamwe riyobowe n'abagore rikora nk'ahantu abahanzi n'abanyabugen'i b'umwuga, inzobere mu iby'umuco, ba rwyiyemezamirimo mu by' ubuhanzi n'abafite umuco munshingano bahrira. Uyu munsi Ishyo izwi nka rimwe mu mashyirahamwe y'ubuhanzi akora cyane; akora ubuvugizi, kubaka ubushobozzi ndetse na gahunda zifyanye na politiki y'iby'umuco kandi rikagira uruhare rw'ingenzi mu guhangana, gutunganya, no kugeza hirya no hino ibyo bihangano.

Carole K. niwe utunganya akanategura iserukiramuco rya Kina, ryiyemeje gukorera ubugen'i n'ibihangano abakiri bato; iserukiramuco rya Home sweet home, rikorera imikino(ikinamico) ijyanye n'ingo ndetse na Kuya Kwetu rifasha abahanzi bakizamuka, rikabaha umwanya wo kwimenyereza. Imirimo ye bwite y'ubuhanzi ubu yibanda ku buhanzi abitabiriye bagiramo uruhare, ubuhanzi bukorewe abakiri bato, n'imishinga y'ubumenyi kubyerekeye ubuhanzi.

Byongeye ku bikorwa bye by'ubuhanzi, Carole K. aharanira kubungabunga ubwisanzure bw' abahanzi n'uburenganzira k'umuco, akaba no mu nama y'ubuyobozi y'ikigega cya Africa World Heritage Fund, iya Assitej Rwanda n'ihuriro rya African Cultural Policy Network. Mbere yaho yari yungirije umuyobozi wa Arterial Network ( rikaba arryro huriro rinini ry'abahanzi n'inzobere mu iby'umuco ry' abanyafurika). Kandi yakoze nk'inzobere muby' umuco muri UNESCO, mu mushinga wayo wa ACP-EU mu karere.

Mu rugendo rwe Carole K. yatoje kandi agira inama abahanzi nyarwanda hamwe n'abandi benshi batandukanye muri uwo mwuga; bamwe babaye uyu munsi abayobozi mu gukora filimi, urwenya, ikinamico ndetse n'umuziki. Mumwaka wa 2018 muri Tuniziya yahawe igihembo kubw'uruhare rwe m'uguteza imbere ubuhanzi muri Afurika.

Ishyaka, kwihangana no gushaka gukora ubuhanzi bunoze bye, byatumye amara imyaka 25 muri uyu mwuga akunda, no gutezimbere umuco nyarwanda. Ibikorwa bye by'indashyikirwa, bikomeza gutera imbaraga abandi bagore b'abahanzi, ndetse bikanubaka icyizere cy'ahazaza kuko mumboni z'abato, Carole K. ni inyamuhiribona. Arifusa kubona u Rwanda, aho abagore babyaza umusaruro ubuhanzi nk'uko bawubyaza guhinga amasaka, kuko nabwo kimwe nk'ibindi butuma umuntu yumva ariho, afite aho abarizwa, ndetse bugatanga n'umunezero wo kubusangira n'abandi, ndetse bikanafasha gutura no kubona isi mu buryo butandukanye.



# Sophie NZAYISENGA

**Urugendo rwa Sophie Nzayisenga, ni ubuhanya bwo guharanira kwigira, guharanira gukuza impano hatitawe kunzitizi n'imbogamizi zishingiye kumuco. Guhitamwo gukirigita inanga, umwuga waharirwaga igitsina gabu, ni ikimenyetso cy'ishyaka rigomba kuranga umugore hatitawe kumyumvire, ndetse n'imwe mu myemerere ishingiye kumuco, ivangura kandi igaheza igitsina gore mumuryango.**



Sophie Nzayisenga, umucuranzi w'inanga uzwi hose, ni urugero rwiza rw'imbaraga kuko yashoboye gusenya inzitizi ziba mu umwuga w'abanyamuziki. Hamwe n'inanga ye, yemeza ko " impano isangiwe iharura inzira kandi ikazana ejo heza." Ku myaka 45, ni inkingi ya mwamba mu umuziki gakondo wo mu Rwanda.

KwisanSula cyane ku inanga bya Sophie byatangiye afite imyaka itandatu, ubwo yatangiraga kumva akunze icyo gicurangisho. Ubwo yari amaze kugira imyaka icyenda gucuranga kwe kwarenze imbibi z'igihungu kugera no hirya no hino ku umugabane. Guhera icyo gihe yisanze mu urugendo rwamugejeje ku gucurangira muri leta 25 z'Amerika, akora ibitaramo bizenguruka Uburayi incuro eshatu asigira urwibutso rutasibangana ku imitima y'abakunzi ba muzika mu ibihugu bitandukanye bya Afurika.

Mu urugendo rwa Sophie ntiyabuze guhura n'ibibazo. Muri sosiyete aho umuco wakera wari warashinze imizi, aho gucuranga inanga byari bayarahariwe abagabo ndetse n'abasaza. Ari kubyibuka yagize ati:" Data yari umunyabwenge Kandi n'umucuranzi w'inanga wubashywe, ndetse na sogokuru ubyara mama hamwe Data wacu bose bakundaga cyane Inanga. Nabyirutse mbona inanga hafi yanje birumvikana ko amatsiko nagiraga atari kunyemerera kudashaka kwiga kuyicuranga. Data abonye uburyo niyemeje kumenya kuyicuranga nawe yaramfashije maze aharira umwanya we ku nyigisha kuyicuranga, na mbere yuko menya kwandika yari yatangiye kunyandikira indirimbo."

Adacogojwe nibyo sosiyete yari imwitezeho, Sophie yahisemo kunyura inzira yihitiyemo. Akora ibitari bimenyerewe yerekana ko kuba umugore cyangwa umugabo bitabera imbogamizi urukundo ndetse n'impano umuntu aba afitiye ikintu. Kuba yari we mwana w'umukobwa rukumbi uvuza inanga byatangazaga buri wese, byahinduye ibyari bimenyerewe ndetse bifungurira imiryango benshi mu kugira umuhate wo kugera ku inzozi zabo.

Ubuhanzi bwa Sophie burenze gucuranga inanga; ni umunyempano mu kwandika indirimbo ndetse akaba n'umuririmbyi, imyandikire ye iba irimo inkuru zaho avuka n'ubuzima baciyemo. Muzika ye nti mufasha gusa kunezeza umutima we ukunda iby'ubuhanzi ahubwo imufasha no mu mibereho ye ndetse ukamufasha no gutunga umuryango we. Ukwiyemeza no kwitangira kubungabunga umuziki gakondo Nyarwanda ni gihama cy'imbaraga ze no kwhanga.

Uyu munsi Sophie afatwa nk'umwamikazi w'inanga, ikuzo akwiriye kubw'ibyo yagezeho. Nyamara akomeza guca bugufi, kuko aziko kugira ubuhanga buhambaye mu kintu icyo aricyo cyose ari urugendo rutarangira rusaba guhora wihugura kandi ukora cyane. Yamenye akamaro ko guhuza umuco n'udushya, ahuza injyana nshya n'izagakondo kugirango abashe kunogera amatwi y'ibisekuriza bitandukanye.

Urugendo rwa Sophie rurenze iby'umuziki ubwawo. Ni ikimenyetso cyo guha ubushobozi abagore hirya no hino ku isi igihama cy'uko impano itagendera ku igitsina. Umutima we ubera ijwi abantu bose batinyuka bagahindura uko ibintu byari bisanzwe bimeze ndetse bakanaharanira gukuraho inzitizi bashyirirwaho na sosiyete.



# Pamela GIRIMBABAZI

**Urugendo rwe kuva yoga akiri muto kugeza ari Perezida wa mbere w'umugore wa federasiyo yo koga y'u Rwanda ni gihamya ku bwiyemeze n'ishyaka rye. Yaciye inzitizi, arwanya imyumvire idakwiye, kandi ashishikariza igisekuru gishya cy'abakinnyi b'abakobwa gukurikirana inzozi zabo nta bwoba.**



Pamela Girimbabazi yakoze amateka mu mwaka wa 2020 ubwo yabaga perezida wa mbere w'igitsina gore w'ishyirahamwe ry'umukino wo koga mu Rwanda. Urugendo rwe rwatangiye akiri muto, kuko ku myaka 12 gusa, yari yatangiye kwitwara neza mu marushanwa yo koga ku rwego rw'igihugu.

Yahagarariye u Rwanda mu mikino Olempike incuro nyinshi, ndetse mu w'i 2018 niwe wari ufite ibendera ry'igihugu muri iyo mikino. Gukunda umukino wo koga bya Girimbabazi byarigaragazaga mu buzima bwe bwa buri umunsi. Yakinaga umukino wa basiketi ku ishuri maze mu biruhuko akajya anoza ubuhanga bwe mu mukino wo koga.

Amaze kurangiza amashuri yatangiye kujya mu makipe y'umukino wo koga, ndetse akajya anagira inama abakinnyi bakiri bato. Kuba perezida w'iryo shiyirahamwe byari igikorwa k'indashyikirwa Girimbabazi agezeho. Yakoresheje ayo mahirwe ngo akemure ibibazo yari yarabonye mu buyobozi ndetse no gukora ubuvugizi ku burenganzira bw'abanyamurwango.

Nk'umuyobozi w'igitsina gore, intego ye yari ugutera imbaraga abandi bagore, akababera igihamya ko kuba umugore bitabuza umuntu ubushobozi bwo kuyobora, n'ubwo bwose nawe yahuye n'iryo vangura. Girimbabazi aterwa ishema no kuba yarahuye n'ibihangange mu mukino wo koga, kandi akaba abifata nk'ibihe byatera imbaraga kandi bikabera urugero abakina umukino wo koga b'imbere mu igihugu. Nk'umuyobozi w'iryo shiyirahamwe Girimbabazi yibanda cyane mu gutegura amarushanwa yo koga arimo umubare wiyoungereye w'abagore.


Imyumbire ishingiye ku muco n'uburyo abanyarwanda babayeho, guhenda kwaho uwo mukino ukinirwa, uburyo abagore batisanzura mu myamboro yo kogana, gukonja kw'amazi... izi zose ni imbogamizi yabashije kubona zibangamira abagore b'abanyarwandakazi mukwitabira uwo mukino wo koga. Afatanyije n'abandi bagore bakorana muri iryo shiyirahamwe, bari gukora uko bashoboye ngo bahindure iyo myumbire n'uburyo abagore bafata umukino wo koga. Bakoresha itangazamakuru n'imbuga nkoranyambaga ngo bamenyekanishe ibyiza bya siporo, by'umwihariko iyo koga, bavuga inyungu n'ibyiza byayo ku mubiri n'ubuzima bw'abagore muri rusange.

Ibyo Pamela Girimbabazi yagezeho mu mukino wo koga, byongeyeho kuba yarabaye Perezida wa mbere w'umugore w'ishyirahamwe ry'umukino wo koga, bitanga icyizere cy'ahazaza kubagore n'abakobwa bakina kandi bakunda uyu mukino wo koga. Umurage we ni ukuba yaratinyuye igitsina gore, ubu abenshi bakaba bitabira ntamususu umukino wo koga, ndetse nindi mikino yabahezaga.



# Sylvie NSANGA

Ni umunyarwandakazi udafite uwobwa bwo guharanira uburinganire, arwanya amahame atajyanye n' igihe kandi aharanira uburenganzira bw'umugore n'abana. Ubukangurambaga akorera ku mbuga nkoranyambaga buha imbaraga abakiri bato kandi bikarwanya akarengane gakorerwa abaturage, himakazwa uburinganire bwuje ubutabera.



Sylvie Nsanga, umufeminisite w'icyamamare, ukoresha ikoranabuhanga mu guharanira uburenganzira bw'abagore n'abana. guharanira iby'uburenganzira byatangiriye mu burasirazuba bwa Repubulika Iharanira Demokarasi ya Kongo (RDC), yakuze abona ubusumbane bwinshi aho yakuriye. Kubona abana badafite iby'ibanzé, batabona n'amahirwe yo kujya mu ishuri, byakoze Sylvie ku mutima. Yababazwaga cyane n'akarengane gashingiye kumuco abagore bahuraga nako, aha twavuga imigenzo yo guca imyeyo, ihohoterwa n'iheza mumuryango, imyumvire ifutamye ku bijyanye n'uburinganire bw'ibitsina, ubusumbane mubigo by'amashuri n'ibindi. Ibyo byose nibyo byateye Sylvie guhitamo inzira yo guharanira uburenganzira bw'abagore n'abana.

Mu 2000 Sylvie yimukiye mu Rwanda, aba umuyobozi ushinzwe uburinganire ku ishuri yigagaga ho. Ubwo yari umunyeshuri, yarwaniye ishyaka abakobwa ba natho nikora, cyane cyane abaturukaga munshe z'icyaro. Nubwo yahuye n'ibiazane n'abamuca integer, Sylvie ntabwo yigeze atezuka kuntego yari yarihaye.

Nyuma ya kaminuza , yakoze mu nama y'igihugu y'urubyiruko, aho yari umunyamabanga mukuru. Yakoresheje ububasha afite, aharanira ko gahunda n'amasomo ajayanje n'uburinganire byashyirwa kuri gahunda za buri munsi z'urubyiruko. Afatanyije na mugenzi we, Slyvie yayoboye itsinda rishinzwe uburezi bw'abana b'abakobwa muri minisiteri y'uburezi. Mukazi ke, yakoranye neza n'ibigo bitandukanye nka UNICEF ndetse n' Imbuto Foundation. Intego nyamukuru, yari ukurwanya no gukora ubukangurambaga kubana b'abakobwa bata ishuri imburagihe, ndetse agira uruhare mu ishyirwaho rya politiki n'ingamba zibanda kuburezi bw'umwana w'umukobwa.

Mu rugendo rwe, Sylvie yihatiye kurwanya yivuye inyuma imwe mumigenzo ishingiye kumuco yabangamiraga umugore; aha twavuga ikwano, kuzana ibirongoranwa, yahuye ndetse anabona imigenzo ishingiye ku umuco ivangura, yakorerwaga abagore, nk'iy'inkwano no kuzana ibirongoranwa byasabwagwa abagore. Ibyo byose yakomeje kugenda abona, bya muteye imbaraga zo kurwanya no guhindura ayo mahame yarenganyaga abagore, akoresheje amashuri yize n'amahirwe yose yari afite.

Ubu ibikorwa bya Sylvie byo guharanira uburinganire, abikora yifashishiye imbuga nkoranyambaga, aho ahangana n'ibibazo byugarije abana n'abagore ashize amanga. Yizera ko ari ingenzi gukoresha izo mbuga mu kurwanya abasuzugura abagore. Yihatira guteza aimbere uburinganire hagati y'abagabo n'abagore, arwanya ingaruka ziterwa n'ihohoterwa rikorerwa abana, akangurira buri wese kubaho ubuzima bufite intego, akanafasha kandi abagezweho n'ingaruka zo guhohoterwa.

Nubwo afite iryo shyaka n'ishaka, Sylvie ahura n'itotezwa akorerwa ku mbuga nkoranyambaga. Aracecekeshwa, acibwa intege, mbese imitekerereze no kubona kwe bibangamira benshi. Gusa, Sylvie ntabwo ajya acibwa intege n'abamurwanya, kuko yizera ko urugamba arwana hari abakurambere be barurwanye kandi agomba kusa icyivi cyabo. Kuri we,yibona nk'utwaye urumuri yasigiwe n'abagore b'intwari barwaniye ubwisanzure tubona uyu umunsi batizigama. Sylvie yanze gutterwa ubwoba n'abasuzugura abagore hamwe n'abuzuye ubwibone, akaba yarafashe iyambere mugufasha abahohoterwa. Nguwo umusingi we mukabaka ejo hazaza.

N'ubwo ashima ibimaze kugerwaho n'ibigo ndetse n'izindi nzego za leta zifite uburinganire munshingano zabyo, Sylvie yemeza ko hakiri imbogamizi zishingiye kumuco, aho usanga kugeza nanubu umugabo agihabwa agaciro gasumbye kure ak'umugore. Ikindi, yemeza ko ingamba za politiki zifatwa zishygikira umugore zidashyirwa mubikorwa uko bikwiriye, bityo, agasaba ko abo bireba bashyira imbaraga mubukangurambaga, kugirango umugore n'umugabo bagere kburinganire n'ubwuzuzanye nyabwo.

Sylvie akora ubuvugizi kugirango umugore n'umugabo babone amahirwe angana, kandiakanarwanya abo bose bashaka ko umugabo ayobora wenyine. Ahamagarira abo bireba, gushyiraho ingamba n'imirongo migari ya politike, iha uburenganzira busesuye abagore. Ikindi kandi, asaba ko abagore bahemberwa imirimo yose bakora itishyurwa, kuko uburinganire n'ubwigenge bw'umugore bushingiye kuguha agaciro akazi aba yakoze.

Sylvie Nsanga, ni imbimburirakubarusha, ni umuhizi, ni intwari yanze gupfana ijambo, maze afata iya mbere mukunenga ibitagenda neza mumuco w'abanyarwanda, bibangamira kandi bigakandamiza umwana n'umugore. Uyu ni umurage, ni akabando k'iminsi kazatwambutsa ibibaya kakadutereza imisozi.



# Gaudence MUSHIMYIMANA

**Ubwitange bwe  
butajegajega, bwerekana  
ubushobozibwa muntu bwo  
guhinduka. Nk'umuvugizi  
uharanira uburinganire  
n'uburenganzira  
bw'abagore bafite  
ubumuga, adutera ishyaka  
ryo kurandura inzitizi,  
kwimakaza  
ubudahangarwa, no kurema  
isi aho ijwi rya buri wese  
ryumvikana kandi  
rigahabwa agaciro.**



Gaudence Mushimiyimana ni imprimbanyi y'uburinganire. Ubuzima bwe bwose, yabuhariye guharanira uburenganzira bw'abagore babana n'ubumuga. Nk'ubana n'ubumuga, Gaudence yihurije hamwe n'abandi bagore babana n'ubumuga 14, bashinga ishyirahamwe nyarwanda ry'abagore babana n'ubumuga, "UNABU" mumwaka wa 2004. Abinyujije muri UNABU, Mukeshimana yifuje gutezimbere kwigira muby'ubukungu, ubuvugizi mubutabera, kurema ikizere mubagore bafite ubumuga, kubashishikariza kwitabira kujya munzego zifata ibyemezo ndetse no kubaha urubuga rw'ubwisanzure mugutanga impinduka.

UNABU, yatangiye yibanda ku kurwanya ihohterwa rishingiye ku gitsina no kuzamura imyumvire ku bijyanye n'uburenganzira bw'abagore babana n'ubumuga. Bakoranye n'imiryango nka Haguruka na Legal Aid Forum kugirango ibikorwa byabo bigire imbaraga kurushaho. Bamaze kubona uburyo abagore benshi batarabasha kwigira muby'ubukungu, UNABU yatangije gahunda yo kongerera ubushobozzi abagore, inabaha ubumenyi kubijanye n'imari, icungamutungo n'ubucuruzi. UNABU itegura kandi igatanga amahugurwa y'imyuga, ikanaha igishoro shingiro abagore babana n'ubumuga kugirango bihangiare imirimbo ibyara inyungu.

Hamwe n'abafatanyabikorwa, UNABU yashyizeho gahunda z'ubuvugizi n'ubukangurambag kuri bose, kugirango hatagira ubana n'ubumuga uhezwa. Bahuguye abafatanyabikorwa babo kubijanye no kongerera ubushobozzi abagore, uburinganire, no gukumira ihohterwa rishingiye ku gitsina. UNABU kandi yanashyizeho gahunda z'ubukangurambaga kubana b'abakobwa babana b'ubumuga kubijanye. UNABU ikangurira abana b'abakobwa babana n'ubumuga kurangwa n'ukwihangana ndetse no guharanira gutsinda mu ishuri.


Kugeza ubu, UNABU ikorera mu turere 12, igakorana kandi n'abagore barenga 13.000 bibumbiye mumatsinda abafasha kwigira no kwikorera ubuvugizi. UNABU yashoboye kurema icyizere no kwihesha agaciro mubagore babana n'ubumuga, inabakangurira kwitabira no kugira uruhare mu iterambere ry'igihugu. Mu mwaka wa 2021 abagore babana n'ubumuga bitabiriye kandi bagira uruhare runini mumiyoborere, aho bamwe muri bo bahawe inshingano zo guhagararira abaturage munzego zitandukanye z'ubuyobozi bw'igihugu. Mushimiyimana, ahamya ko uburezi ari uburenganzira bw'ibenze kuri buri wese, kandi ko bushobora gufungura imiryango yo kubona amahirwe, ndetse no kubona imyanya mubuyobozi.

Mushimiyimana ashimangira ko hakenewe gushirwaho gahunda zihariye zigenewe ababana n'ubumuga, hakarandurwa kandi amategego na politiki byimakaza iheza n'ivangura. Yifuza umuryango utavangura, aho abafite ubumuga bahabwa ibyangombwa nkenerwa bya buri munsi ndetse bagahabwa service zigenerwa bose. Ibinyujije mu kwitanga kutizigama, UNABU yatanze amahirwe, izamura imyumvire kandi iba iya mbere mu gutangiza impinduka zirambye. Icyerekezo cya Mukeshimana cyo kugira amahirwe angana ku bagore babana n'ubumuga, kizakomeza kubera urugero ibisekuruza by'ahazaza.



# **Esther MBABAZI**

**Ni umugore w'icyitegererezo. Amateka ye ni ubuhamya bw'uko ntamirimo ibaho yagenewe abagabo gusa. Ni gihamya cy'imbaraga zizana impinduka ziri mu gukuraho inzitizi umugore ahura nazo. Uretse kuba yaraharuriye inzira ab'igitsina gore bifuza kuba abapilote, yanabereye ikitegererezo abagore bose bifuza kurenga ihezwa ribakorerwa mu muryango.**



Esther Mbabazi yakoze amateka yo kuba umunyandwandakazi wakoze amateka yo kuba umupilote wa Rwandair mu myaka 10 ishize. Uku kwitinyuka, ni ikimenyetso cy'ubutwari ndetse n'icyitegererezo kubandi bagore bashaka kuba abapilote. Ni ikimenyetso cyiza cy'ahazaza h'umunyarwandakazi.

Yakuze abona nyina nk'ikitegererezo, kuko yari mu bagore ba mbere bari abahanga mu by'amashanyarazi i Bugande. Ibi byataye imbaraga Esther, yumva ko ntakazi na kamwe umukobwa atakora. Nyina yamuuyanye mu ishuri ryigaho abahungu n'abakobwa, rimuha uburezi ndetse n'ikizere cyo kuba yahatana n'abahungu ku rwego rungana. Gukura atyo, byahaye Esther kwiyizera akamenya ko adaciriritse mu gihe yaba yinjiye ahantu higanje abagabo nko mu cyumba cy'aho batwarira indege.

Nyamara ariko, urugendo rwe ntirwabuzemo ibimugora. Esther yahuye n'urugamba rutoroshye rwo kwemeza abantu ko ashoboye, ndetse bimusaba gukoresha imbaraga zikubye kabiri kuruta bagenzi be b'igitsina gabo. Byamusabye kwiyemeza no kwihangana bikomeye. Nyuma yaje kubona ko kwitezimbere wenyine bidahagije, ahubwo ayoboka inzira y'ubuvugizi kuburenganzira bukwiye abagore, abakangurira kwitinyuka bagakora imirimo yitwa ko yahariwe abagabo.

Esther yemera adashidikanya, ko ibigo bitwara abantu n'ibantu mu ndege bidakwiye gusa gushyira imbere no guha akazi abagore, ahubwo bikwiye no gushyira mu bikorwa ingamba na gahunda z'amahugurwa bifasha kandi bikanorohereza abagore kujya mu bijyanye no gutwara indege. Nk'umuntu w'ikitegererezo, yumva afite inshingano zo gukemura ibi bibazo, kugirango imbongamizi yahuye nazo zitazagumaho kuburyo zigera no kubisekuruza bizaza. Kuri we, kugirango abagore batere imbere, bagomba gufatana urunana, bagashyira hamwe kandi bagaharanira kuzana impinduka

Urukundo rwo kuba umupilote rwabyukijwe n'incuti yamuganirije inkuru y'umupilote w'igitsina gore, iyo ncuti ye bari bahuriye mu nama. Uyu munsi yitwaje ubumenyi bwe n'ubunararibonye bw'imyaka irenga icumi afite, akoresha urubuga rwe mu kongerera ubushobozi abana b'abakobwa, abashishikiriza gukurikira inzozi zabo bashize amanga.

Urugendo rwa Esther ni igihama cyo kwihangana no kwiremamo ubushobozi. Nk'umupilote wa mbere w'umugore mu Rwanda, yahinyuje umwanya wahabwaga umugore, anasensa imyumvire yatumaga abagore bafatwa nka'abadashoboye. Ukwitanga n'umurava bye bikomeza kubera abagore urugero rwiza. Mubyukir, imbaraga, ubumenyi bwabo ndetse n'ubuhanga by'umugore, bigomba kumuha kurenga inzitizi iyo ariyo yose yamubuza kugera kunzoei ze.

Mu guharanira uburinganire, Esther atwibutsa ko guha umwanya umugore mubuyobozi bidahagije. Ahubwo ko ibigo bikwiye gushyiraho inzira ifasha abagore gutekana, no gukoresha ubushobozi bwabo byuzuye, hashyirwaho uburyo bwo gutanga ubufasha kandi baborohereza gukura no gutera imbere. Binyuze muri izo ngamba nibwo abagore bakongererwa ubushobozi by'ukuri kandi bakazana impinduka ifatika.

Inkuru ya Esther Mbabazi, ni gihama cy'imbaraga zizana impinduka ziri mu gukuraho inzitizi umugore ahura nazo mubuzima bwa buri munsi. Uretse kuba yaraharuriye inzira ab'igitsina gore bifuza kuba abapilote, yanabereye ikitegererezo abagore bose bifuza kurenga ihezwa ribakorerwa mumuryango. Umurage we uzakomeza kubera urugero urugero rwiza abagore bifuza kuba abapilote, akazi kitwa ko kari karagenewe abagabo gusa.



# Hassna MURENZI

**Ibikorwa bye na FADA ni ubuhamya bw' imbaraga zikomeye zo guharanira uburinganire, gutega amatwi amajwi y'abadutabariza bashyizwe munsi y'umurongo w'ubuzima, guha agaciro abo bose babayeho nabi, cyane cyane abakora umwuga w'uburaya.**



FADA(Feminist Action Development Ambition) ni umuryango washinzwe na Hassan Murenzi, umugore ufile icyerekezo, ushaka kongerera ubushobozi abagore batishoboye, ashyigikira iterambere rirambye ryabo, kandi anarwanya ihohoterwa rishingiye ku igitsina n'ivangura. FADA yabaye urubuga aho abantu batandukanye, harimo abicuruza n'abo muri LGBTQ, bahrira bakavuga rumwe, kandi bagakemura ibibazo bose bahura nabyo.

Hassna yabonye akamaro ko kongera amajwi y' abaqueer mu mbuga zihurirwamo n'abagore. Yemera ko, iyo baganiriye ibibazo byabo babasha kubibonera ibisubizo maze bagakuraho inzitizi zishyirwaho n'umuryango. Mu mwaka wa 2015 yatangiye kumenyekanisha ibibazo aba Queer bahura nabyo, ari nako kandi FADA ikomeza kwibanda kubongerera kongerera ubushobozi, ikita kumibereho myiza ijyanye n'ubukungu. Binyuze mu buvugizi n'ubukangurambaga, ubu aba queers batangiye kwemerwa kandi bafite umwanya wabo mumuryango nyarwanda.

FADA igaragaza ivangura n'urugomo bikorerwa abaqueer buri munsi. Bafite intego yo kurwanya ikandamiza no gushyiraho urubuga ruha ubwisanzure abaqueer. Mubyukuri, abaqueer, bagiye bimwa kenshi uburenganzira bw'ibanze: uburezi, imibereho myiza netse n'ukwishiye ukizana, bityo bikabatera ihungabana n'ubukene budashira. FADA rero, yiye meje guhuza no kuganira n'abaqueer kugirango bashakire hamwe ibisubizo by'ibibazo bahura nabyo.

Binyuze mu bikorwa bya FADA, abagore batabarika bagiye mu nzira ibahindurira ubuzima. Batangiza ubucuruzi, bajya mu myuga itandukanye, ubushoferi, ubumotari, inzu zitunganya imisatsi, ndetse n'iyindi myuga ibafasha kwiteza imbere. Ibikorwa bya FADA byaragutse bigera no ku bandi bahejwe kugera no ku mpunzi ziri mu nkambi ziri hirya no hino mugihugu.


Gukora ubukangurambaga kubijyanye n'imyororokere n'ingenzi kuri FADA. Batanga ubumenyi n'ibikoresho kubakora umwuga w'uburaya ndetse n'abana b' abakobwa babyariye iwabo. FADA iha abo bakobwa ibikoresho nkenerwa kandi by'ibanze mubuzima bwabo bwa buri munsi, ikanabakangurira guhangi imirimo ibabyarira inyungu.

Muri urwo rugamba, FADA ihura n'ibibazo by'amikoro n'ubushobozi bwo kugera kubagenerwabikorwa bari ahantu hatandukanye mugihugu. Gusa, ishima ubufasha ihabwa na leta ndetse na sosiyete sivile, kuku bubafasha kucyemura bimwe mubiazo aba queer bahura nabyo. Hassna yemera ko ibisubizo by'ibibazo abaqueer bahura nabyo, bigomba kuba bishingiye kubuzima abafashwa babamo buri munsi. Imishinga ibafasha yategurwa habanje kumvwa inkuru zabo no gusobanukirwa ibyo bakenewe Hassna yabonye ko, kwemerwa kwa abaqueer ari urugendo rurerure kandi rusaba igihe no kwihangana. FADA yihaye intego yo gukuraho urujijo rw'ibyo umuryango ufata nk'amahano,bityo yimakaza ubwumvikane buciye mubiganiro.

Kugirango ibashe gukomeza gufasha abo muri LGBTQ n'abakora umwuga w'uburaya, FADA yashyizeho itsinda ry'inzobere z'abunganizi mu mategeko. Bakusanya amakuru buri munsi ku ihonyorwa ry'uburenganzira bwa muntu, kugirango bafatanye n'inzego z'ibanze ndetse n'izindi nzego za leta mugushakira ibisubizo ibibazo abaqueer bahura nabyo. Icyerekezo cya Hassna Murenzi no kwiyemeza bitajegajega bya FADA, byongererera abagore ubushobozi, bigaha ijwi abaqueer kandi bagaharanira ahazaza hazira ivangura. Bashyize hamwe nk'umwe, bihaye intego yo kwerekana ko kumva no kudaheza abaqueer ari umusemburo w'impinduka.

# Isaro

Ishyaka rye rimurikira inzira yo kwemerwa no guha imbaraga abantu bahinduje ibitsina mu Rwanda. Binyuze mu buvugizi, uburezi, no kwihangana, yihatira gushyiraho ejo hazaza, aho buri muntu ashobora kubaho mu cyubahiro, akurikirana inzozi ze nta vangura cyangwa ihezwa.





Muri iki gihe abantu bihinduje igitsina bahura n'ibibazo byo kwemerwa no kwakirwa mumuryango nyarwanda. Isaro yahariye ubuzima bwe muguharanira uburenganzira n'imibereho myiza by'abihinduje igitsina mu Rwanda. Bimwe mubyo aharanira, harimo kwemerwa no kwakirwa kw'abihinduje igitsina, kugira uburenganzira k'uburezi ndetse n'ubwo gukora akazi keza, bityo bagatanga umusanzu wabo mukubaka umuryango nyarwanda. Amaze kubona imbogamizi zibirimo, n'uburyo abihinduje igitsina badashyigikirwa, Isaro yahariye igihe cye n'imbaraga ze muguharanira ko abari muri uwo muryango we babaho mubuzima bwiza.

Kwakirwa muri sosiyete kubihinduje igitsina biracyari urugendo rurerure kandi rugoranye. Abihinduje igitsina bagorwa no kurangiza amashuri cyangwa kubona akazi, bitewe n'uburyo bafatwa hagendewe kumiterere yabo. Bitewe n'uburyo uburezi bwubatse, abanyeshuli bihinduje igitsina, nawe ubwe arimwo, bahura n'itotezwa ndeste n'ivangura rishingiye kumiterere n'imisusire yabo; ibi bibaviramwo guta ishuli. Kubera izo mpamu, Isaro yahisemwo gukora ubuvugizi mu bigo bitandukanye ahereye kuri minisiteri y'uburezi mu gushakira ibisubizo by'ibibazo abihinduje igitsina bahura nabyo bituma bacikiriza amashuri cyangwa se ngo babone akazi keza.

Mu kwigisha kwemerwa no gusobanukirwa ibijyanye n'abihinduje igitsina, Isaro yemera ibiganiro no kumenyekanisha ibibazo abihinduje igitsina bahura nabyo, abinyujije ku mbuga nkoranyambaga. Muri uru rugendo, Isaro ahura n'imbogamizi nyinshi zirimo amakimbirane ndetse no kutabona uburyo busesuye bwo guhurira hamwe n'abandi, kugirango haganirwe ku bibazo abihinduje igitsina bahura nabyo. Nubwo ahura nizo mbogamizi zose, yemeza ko ari ngombwa kubonera ubufasha, guhabwa uburezi ndetse no kubonera urubuga ruboneye ruha uwisanzure n'ukwisyira ukizana kuri abo bose bihinduje igitsina.

N'ubwo hari ibyo bibazo byose abihinduje igitsina bahura nabyo, Isaro agumana ikizere, kandi akabibona byose nk'urugendo. Intego nyamukuru y'Isaro n'uguha ubushoboz abihinduje igitsina bakabona uburezi n'amahirwe y'akazi, maze bakabaho ubuzima bubahesha agaciro. Ahuriza hamwe imbaraga, kwihangana no gufata ibyemezo ntakuka, kandi yiyemeje gukomeza inzira yo guharanira ejo hazaza heza ku bihinduje igitsina bose mu Rwanda.



# Jemima KAKIZI

Jemima Kakizi ni umuhanzi w'icyerekezo werekana imibereho yo mu Rwanda yifashishije impano ze z' ubugen'i n'imideli. Aharanira iterambere ry'abagore bakora uwo mwuga, akanakangurira abandi kuwitabira.





Jemima Kakizi, ni umunyabugeni, yuje urugwiro n'ubumuntu, inseko ye irabigaragaza. Hafi mu myaka icumi ishize, yinjiye mu isi y'ubugeni, ashushanya akoresheje amarangi yerekana isura y'ubuzima butandukanye mu Rwanda. Binyuze mu bikorwa bye by'ubugeni, guhangwa imideli no gutegura amamurikagurisha, Kakizi afite intego yo kongerera ubushobozi abagore no kongera ubwitabire bwabo muri uwo mwuga.

Nk'umunyabugeni, Kakizi asobanura ubugeni nk'uburyo bwe bwo kubaho, uburyo bwo gutanga ibitekerezo no kwerekana imamutima za muntu. Ubugeni bufasha umuhanzi kureba isi mu mboni ze bwite, bikamufasha kurema ishusho yifuza, isobanura uburyo abonamo ibantu. Yizera ko ubugeni bwifitemo ubufindo, ni ururimi rwumvwa na bose kandi rumufasha gukora ubuvugizi ku mpinduka yifuza, ndetse agasangiza abandi amarangamutima n'inkuru z'ubuzima bitandukanye.

Guhera mu mwaka wa 2003, Kakizi yakurikiranaga iby'ubugeni; mu mwaka wa 2020 nibwo yiyejemeje kubujyamo by'ukuri, amaze kubona ko kugirango utere imbere nk'umunyabugeni ugomba kubwimiramo. Uru rugendo rwamubereye ingirakamaro kuko yamaze gusobanukirwa neza ingorane abagore bahura nazo muri uwo mwuga, kujya ahagaragara no kumenyekana bikaba ariyo nzitizi ya mbere.

Amaze kwiyemeza gukemura icyo kibazo, Kakizi yagize igitekerezo cyo gutegura imurikagurisha ryihariye ku abagore(all-female exhibition), ritanga urubuga rudaha gusa amahirwe yo kumenyekanisha abagore bari m'ubugeni, ahubwo rinabafungurira imiryango myinshi y'andi mahirwe. Yanze kwicara ngo ategereze ko abanyabugeni b'ababagabo babatumira, maze afata iyambere, arahirira kuzategura ayo mamurikagurisha ubwe.

Kuva umwaka wa 2022 imurikagurisha rya abagore( all-female exhibition) ritangijwe, ryahaye urubuga abanyabugeni bafite impano nka Shemsa Neza, Lynka Lydia na Louise Kanyange ngo berekane ibihangano byabo. Iri murika riba mu byiciro bibiri: irikorerwa ahantu hamwe, n'irindi ribera ahantu hatandukanye rigenda ryimurwa mu mashuri no mu bigo bitandukanye.

Kakiza yagize ati: "kutamenya ko hari abanyabugeni ba bagore biracyari imbogamizi kuri benshi, ntangira gutegura aya mamurika, abantu benshi baranyegereye by'umwihariko bambaza aho bakura abanyabugeni b'abagore. Abantu benshi ntibazi ko hari abanyabugeni b'abagore. Iki kandi si ikibazo kiri mu Rwanda gusa ahubwo kiri ku isi yose. Ndetsse no mu amateka y'ubugeni, usanga yibanda ku banyabugeni b'abagabo, nubwo uruhare rw'abagore rudashidikanya ho. Abanyabugeni b'abagore bahozezo."

Ubusumbane bw'umugore n'umugabo biracyari umutwaro kumuryango nyarwanda, bikabangamira abagore mu myuga ndetse no mubuzima bwite bwabo. Nk'umunyabugeni, izi ngorane zibera Kakizi isoko avomamo ubugeni bwe, akoresheje ubwo bugeni kandi yashyize ahabona ibyo bibazo ndetse aba umusemburo w'impinduka.

Avuga ashize amanga uburyo ki ya koze umushinga wo guha ubushobozi abagore, kugirango bashobore guhangana n'imyumvire yabasubizaga hasi, bitewe n'akarengane ndetse n'ihohoterwa bagirirwa. Bakoze amatsinda y'ibiganiro, aho basangiraga ibibazo by'ubuzima banyuzemwo, bityo bikabafasha kwiremamo icyizere cy'ejo hazaza. Mubo Kakizi yatoje, harimo umubyeyi w'imyaka 63 utari warigeze arota kuba umunyabugeni. Nyuma yo guhabwa amasomo, uwo mubyeyi yamenye gushushanya, kuburyo ashobora kwerekana inkuru ye yihariye, inkuru nziza isubiza intege ababonye ibihangano bye. Kakiza yemera ko ibibazo birimo gutwita kubangavu n'ibindi bibazo abagore bahura nabyo, byabonerwa umuti binyuze mu bugeni. Yizera kandi ko ubugeni ari uburyo bwiza bwo kurera no kwagura imitekerereze ya muntu.

Kakiza, yemeza ko gukuraho inzitizi zibangamira abagore mu bugeni, bikwiye kuba intego yacu y'ibanze. Abagore b'abanyabugeni bakwiye kugira abo bareberaho nk'ikitegererero, ndetse bakanafashwa. Tugomba kumenya ko abagore bahura n'inzitizi nyinshi, nko kuba haba hitezwe ko bava muri uwo mwuga nyuma yo kubyara. Izo nzitizi, ziba abagore benshi amahirwe yo kwerekana ibyo bashoboye, bigatuma uwo mwuga ukomeza kwihariwa n'abagabo.

Iyo asubije amaso inyuma mu rugendo rwe nk'umwe mu bagore bake n'abanyabugeni, Kakizi abona uburyo urugendo rwe rutari rworoshye. Ntiyigeze acibwa intege n'ibibazo byari muri uwo mwuga cyangwa se abari bamuri hafi bamucaga intege. Kuva akiri muto, Kakizi yakundaga guhangwa, nubwo abandi babaga bashidikanya ku bushobozi afite. Yanze ko ibyo bamubwira bisobanura uwo ariwe.


Ashishikariza abandi banyabugeni b'igitsina gore, kutemera gusobanurwa n'ibyo umuryango ubitezeho, cyangwa se imbibiby bashyirirwaho n'abandi. Umurava wa nyawo ni ukgwigirira ikizere, kandi ugaha agaciro impano yawe, ndetse n'urukundo uyifitiye. " ndi hano kuko nkunda ubugeni, kandi nizera imbaraga zabwo mu uguhindura ibantu, ndetse n'impinduka nziza bwazana. Umusanzu wanjiye uharurira inzira ibisekuruza by'ejo hazaza, kugirango bazakore ubugeni bisanzuye kandi babukore nk'akazi badafite impungenge z'amikoro."





# **Hope AZEDA**

**Hope azeda ni  
umunyarwandakazi  
wagize imbaraga mu  
guhindura imyumvire  
y'abaturage akoresheje  
impano ze zo kwandika  
imbyivugo, ikinamico  
kubyina no kuririmba.**



Hope Azeda ni izina, iyo rivuzwe humvwa guhangana kongera ubushobozi mu Rwanda. Ibyo amaze kugeraho mu bijyanye n'ubugenii, by'umwihariko binyuze mu byo akora mu itsinda rya Mashirika, ndetse no muri Ubuntu Art Festival, byaramuzamuye bimugeza ku rwego mpuzamahanga kandi bimugira umuntu w'ingenzi mubakora ibijyanye n'ubuhanzi.

Yavukiye kandi akurira I Bugande nk'impunzi, aho yahigiye indangagaciro zo kudacika intenge mu bihe bigoranye byo mu bwana bwe. Ababyeyi be, Norman na Beatrice, bahunze u Rwanda mu 1959 bitewe n'amakimbirane ashingiye ku moko. Ayo mateka ashariyiye yamuteye guha agaciro umurimo no kumenya kwihangana. Mu bibazo bya Politiki byari mu Bugande, umuryango we wahoraga ushakisha aho wakura amahoro n'umudendezo kubera ihirikwa ry'ubutegetsi ryahoragaho.

Gukunda ubugeni bya Hope, byaje ubwo yigaga muri Namasagali College, aho yamenye ibijyanye na muzika, imbyino ndetse n'ikinamico. Amaze gutwarwa n'inkuru z'ubwiza bw'u Rwanda yabwirwaga, yahisemo kuhimukira mu 1998. Ibyo yari yiyemeje byari bigoye, kuko yari yimukiye ahantu hashya n'ururimi rwaho atamenyereye, ndetse n'umubabaro wo kubura benshi muri benewabo mu gihe cya jenoside yakorewe abatutsi mu w'i 1994.

Jenoside yasize ikimenyetso kidasibangana k'umutima wa Hope, ndetse imubera isoko avomamo ibyo yandika. Atewe imbaraga n'ishyaka n'urukundo yari afitiye ubugeni ndetse n'ubushake bwo guhura n'abandi banyabugeni bagenzi be, yashinze ikigo cya Mashirika Performing Arts Media company. Ifatanyije n'ibigo nka Aegis Trust na minisiteri y'ubutabera, Mashirika yasohoye filime ndetse n'ikinamico zikangura imitekerereze ndetse n'ibibazo by'urusobe bijyanye na jenoside, inkiko Gacaca n'akamaro k'ubumwe n'ubwiyunge.

Mashirika yazanye impinduramatwara mu bijyanye n'ikinamico mu Rwanda binyuze m'udushya bahanze mu buryo bushya bwo gukora ikinamico, berekana ko, ikinamico ari igikoresho cyiza mu ughuhindura imibereho no guhangana imirimo. Berekanye neza ko ikinamico ryasusurutsa kandi rikagira n'ingaruka nziza ku abantu. Icyo kigo cyagize uruhare mu bikorwa byinshi, harimo nk'igikorwa ngaruka mwaka cyo "Kwita izina", Youth Connect Summit, "CHOGM", n'ibindi.

Mu mwaka wa 2015, Hope yatangije "Ubumuntu Art Festival", akaba ari iserukiramuco ngaruka mwaka ryizihiza ubumuntu. Iryo serukiramuco rihuza abahanzi n'abanyabugeni batandukanye, rigatanga urubuga abahanzi n'abanyabugeni baturiramo, bagasangira ibitekerezo n'inkuru zitandukante zabo. Babinyujije mu bikorwa byabo, abahanzi bashishikariza abantu kumenya no gusobanukirwa inkuru zo hirya no hino ku isi zivuga k'ubumuntu, kandi bakigisha isanamitima no kubaka amahoro nyuma y'ibibazo by'intambara.


Ikinamico rya Hope, ryari rigamije gukora ku mitima yabarireba, rikora ku bintu bikangurira abantu kugira ubumuntu. N'ubwo yahuraga n'ibimusubiza inyuma ndetse n'inxitizi nk'umugore, ntiyigeze na rimwe acika intenge yakomeje gukora. Yibandaga ku kwerekana uburyo ari ingenzi ko imyumvire y'uko abagore ari abanyantege nke yahinduka, kandi bakamenya ko nabo bafite imbaraga. Abinyujije mu bikorwa bye, yateje imbere uburenganzira bw'abagore ndetse anagira uruhare mu kubongerera ubushobozi, agerageza guhangana n'inxitizi ziri mu muco gakondo, ndetse abera abandi bagore urugero rwiza rwo kubyaza umusaruro amahirwe yose babona.

Mu kureba kure, Hope atekereza ahazaza, aho ubunyangamugayo, uburinganire no gufashanya aribyo bizaba ishingiro ry'ubumuntu buhamye. Yabonye ko kuvuga ku mpinduka umuntu yifuza bidahagije, ahubwo ko kubishyira mu bikorwa aribyo by'ingenzi. Hope Azeda aracyakomeza kuba ikimenyetso kirambye cy'ibiza mumuryango nyarwanda, anabera urugero abandi abinyujije mu kwitangira ubugeni, mu kwiyemeza kongerera ubushobozi abagore, no kwizera imbaraga zizana impinduka ziba mu buhanzi.



# **Isabelle KAMARIZA**

**Mubufatanye na Solid Africa Feeds, Kamariza agaburira abatishoboye. Abaha ibyiringiro, icyubahiro kandi akabizeza ko buriwese akwiye kugaburirwa, no kwitabwaho.**



Isabelle Kamariza, Perezida ndetse n'uwashinze Solid Africa, yagize urugendo ruhindura ubuzima, rwatumye aba uwingenzi ku batishoboye. Ari kwiga amategeko I buruseri, yasobanukiwe ko umuhamagaro we urenze kuba mu cyumba cy'urukiko. Nyuma yo kwisuzuma no gukurikira inyigisho za bibiliya, yabonye ko gufasha abatishoboye aricyo gipimo cyiza cy'ubumuntu.

Abitewe no kwizera ko ifaranga rimwe rya euro ryagira icyo rihindura, Isabelle n'incuti ze batangije gufasha abantu barenga 200. Igikorwa cyabo cyaragutse bagera ku bantu 500. Abonye ko icyo gikorwa cyagenze neza, Isabelle yagarutse mu Rwanda mu 2009 maze ashinga Solid Africa, ikigo gifasha abatishoboye kigamije kurwanya ibura ry'amafunguro mu bitaro.

Icyateye Isabelle gushinga Solid Africa n'ukuntu yabonye abarwayi bari barembye, kandi nta mafunguro bafite. Umwana w'umukobwa wari ufite ikibazo cy'umutima, akaba atarabashaga kubona amafunguro kuko yari imfubyi yakoze ku mutima Isabelle. Nyuma yo gufata icyemezo cyo gukemura icyo kibazo, Isabelle yatangije Solid Africa, atangira afasha abarwayi babiri nyuma agenda yongera umubare wabo.

Ubu, Solid Africa itanga amafunguro kubarwayi barenga 1000 k'umunsi, biterwa n'impuhwe no kwiyemeza gufasha. Ntabwo batanga ibitunga abarwayi muri rusange gusa, ahubwo banategura amafunguro bitewe n'icyo umurwayi arwaye. Solid Africa ishyira imbere guha ubushobozi abagore n'abana binyuze muri gahunda ya Gemura-for All, ifasha abarwayi batishoboye bananiwe kwishyura ibitaro. Bishyurira abarwayi ibitaro ndetse n'amafaranga y'urugendo, ku buryo abarwayi bataha bagaruye icyizere.

Gahunda nka Kiza-Medical Expenses, yakuyeho umutwaro w'amikoro yo kugura imiti y'ingenzi itarabashaga kwishyurwa n'ubwishingizi, bifasha cyane ab' amikoro make. Solid Africa kandi itanga ubufasha bw'ingenzi mu by'ubuvuzi, harimo nk'imbago, udutebe tw'amapine dutwara abatabasha kugenda, gufasha abarwayi mu gihe cyo kubondora.

Binyuze muri gahunda ya Sukura-Hygiene, Solid Africa ifasha abarwayi kubona ibikoresho by'isuku, bibafasha kurinda ubuzima bwabo ndetse no kubafasha gukira. Isabelle ashimangira ko ibikorwa byabo byigisha gufashanya, no kugira impuhwe mu muryango mugari. Inkuru zinyura umutima z'abarwayi bakize bagataha, mu buryo bwo gushima no kwitura ineza bagiriwe, n'abo bakohereza kubyo baba basaruye ngo bifashe abandi. Urwo ruhererekane rw'impuhwe n'urukundo bibera urugero benshi ku guharanira ejo heza.


Isabelle afite gahunda yo kwagura Solid Africa ikagera mu ibitaro byose bya leta, agakora ibishoboka byose kuburyo nta murwayi ubura ifunguro. Ubu akorera mu bitaro bitanu bya leta, inzozi ze ni ahazaza heza aho buri muntu uwo yaba ariwe wese nta ikindi kigendewehe, yajya abona ubufasha akeneye kandi akabaho neza.

Urugendo rwa Isabelle ni urugero rwiza rwo kwihangana, impuhwe no kwiyemeza. Abinyujije mu kwiyemeza kugaburira no guha ubushobozi abarwayi batishoboye, yaguye imbibibi zo kugira umutima w'impuhwe. Solid Africa yazanye impinduka nziza, iharura inzira iganisha k'umuryango uzira ubusumbane, kandi wikaza mubiribwa. Inkuru ya Isabelle itubera urugero rutwibutsa ko, hamwe n'ishyaka ndetse no kwiyemeza, dushobora kugira ibyo duhindura mu buzima bw'abandi.



# Blandine UMUZIRANENGE

Niwe muhanga washinze Kosmotive, akora impinduka mu byerekeye isuku mu gihe cy'imirango, no guha ubushobozi abagore. Aharanira ko ntamugore cg umukobwa wakavukijwe amahirwe yo kwiga no gukora kubera kubura ibikoresho by'isuku mugihe bari mumihango. Arwanya imyumvire n'imyemerere mibi, umuryango ufile kumihango.



Abagore n'abakobwa bo mu Rwanda, ndetse no hirya no hino ku isi, bahanganye n'ikibazo kitavugwa kenshi cyo kubura ibikoresho by'isuku byifashishwa mu gihe cy'imihango, kubura ubumenyi ku bijyane n'isuku ya ngombwa mu gihe umuntu ari mumihango, kubura ubwiherero, kubura aho bakarabira intoki cyangwa uburyo bwo kwita no gutunganya ibishingwe. Imyumvire mibi kandi imaze igehe yo gufata imihango nk'umwanda, ikomeza kuba isoko y'ikimwaro ku bayirimo, ikagira n'ingaruka k'uburezi no ku hazaza ndetse no ku kwigirira icyizere kwa bamwe.

Umuziranenge Blandine, ureba kure by'ukuri, yabonye ibyo bidakwiye afata icyemezo cyo gutera intambwe ya mbere ashinga Kosmotive, ikigo kiyemeje kurandura burundi ubukene bw'ibikoresho by'isuku byibifashishwa mu gihe cy'imihango. Intego ye yari isobanutse: "gukuraho inzitizi zibuza abantu kuganira ku bijyane n'imihango ndetse no gutanga igisubizo kirambye kuri abo badafite ubushobozi bwo kubona ibikoresho by'isuku".

Atangira urugendo rwe mu mwaka wa 2014, Blandine yari agamije kongerera ubushobozi ababyeyi, abagore, ndetse n'abana b'abakobwa, abaha amakuru y'ingenzi kubijyanye n'ubuzima. Yatangije ikinyamakuru yise Kosmos, kibandaga cyane k'ubuzima bw' ababyeyi n'abana b'abakobwa, harimo kandi n'ibijyanye n'imihango. Uru rubuga ntirutanga ubumenyi gusa, ahubwo rwifashishwa nka bumwe muburyo bwo kumenyekanisha ibikoresho bishya bitari bimenyerewe.

Mu mwaka wa 2017, ubwo yarimo akora ubushakashatsi ku nkuru yari agiye kwandika, Blandine yatunguwe n'amakuru yabonye; mubyukuri 18 ku ijana by' abana b'abakobwa b'abanyarwanda basibaga ishuri kubera kubura ibikoresho by'isuku byibifashishwa mu gihe cy'imihango. Blandine yamenye ko gukemura ico kibazo cy'ibura ry'ibikoresho by'isuku ndetse no guhindura imyumvire mibi ihuzwa n'imihango, ari ingenzi mu nzira yo kugera k'uburinganire bwuzuye.

Blandine yatangiye akazi ategura uko Kosmopads zizaba zimeze, zitangiza ibidukikije, zidahenze, kandi zikaba zakoreshwa incuro irenze imwe, ndetse zikazazana impinduka mu bijyanye n'isuku mugihe cy' imihango. Ubu utwo dutambaro tw'isuku(kosmopads) dukozwe bijyanye n'ico cyerekezo. Blandine yakoze uko ashoboye kugirango ibyo ibikoresho by'isuku bikorwa mu buryo ubikoresha aba yisanzuye, kandi bikaboneka mu ngano zitandukanye bitewe n'uburyo imihango nayo itandukanye. Blandine yakoze Kosmopads kuburyo zamara imyaka nibura ibiri, kandi zigakurikiza amabwiriza agenga ibikoresho by'isuku yo mu gihe cy'imihango, ndetse bigakoreshwa incuro irenze imwe.

Ariko nanone intego ya Kosmotive irenze gukora ibikoresho byifashishwa mu mihango gusa, ahubwo hiyongeraho ibiganiro no kwigisha ibijyanye n'imihango. Mbere yuko Blandine n'tsinda bakorana batanga Kosmopads mu miryango n'ibigo by'amashuri, barabanza bagatanga amahugurwa yongerera ubumenyi abayitabiriye, guhindura imyumvire ndetse no gukemura ibibazo bitandukanye bihuzwa no kujya mu mihango, kandi bakanabahugura ku buryo bwa nyabwo bwo gukoresha ibikoresho by'isuku bishobora gukoreshwa incuro irenze imwe. Abonye ko amikoro make ashobora kubangamira uburyo Kosmopads zigera kubo zagenewe, Blandine yashatse ubufatanye bumufasha gutanga Kosmopads k'ubuntu. Ubwo bufatanye bubafasha mu uburyo bubiri: bubafasha gutuma icyerekezo bihaye mu bijyanye n'ubwiza bw'ibyo bakora kiramba ndetse bukabafasha no kwimakaza sosiyete aho abagore bafite ubushobozi.


Kosmotive kandi, yashyizeho uburyo bwo gufasha abakobwa cyane cyane abo mu cyaro kugerwaho n'ibi ibikoresho by'isuku bihindura ubuzima bwabo, inafasha kandi n'abadafite ubushobozi bwo kuzigura. Ibyiringiro bya Blandine n'ukubona isi, aho nta umugore cyangwa umukobwa usigazwa inyuma n'ubukene bwo kutabona ibikoresho yifashisha mu gihe cy'imihango. Ku ubuyobozi bwe, Kosmotive izakomeza itange ibikoresho by'isuku bihendutse mu igehe cy'imihango, ndetse inahindure imyumvire ishaje y'uburyo imihango ifatwa.

Umuziranenge Blandine ni ikimenyetso cy'uko umuntu umwe yaba imbarutso y'ikibatsi gihindura ubuzima bwa bensi. Blandine yasobanukiwe ko igehe cyo kuzana impinduka ari iki, kandi inkuru ye ihamya ko, ubushobozi bwo kuzana impinduka buri muri buri umwe muri twe.



# Aline BERABOSE

**“Abagore bafite imbaraga, baha imbaraga isi”. Ubwitange bwe muguharanira buringanire no gukora ubuvugizi bw’abagore bigaragara nk’itara ry’icyizere cyo kwitinyunya. Urugendo rwe rutwibutsa ko guca inzitizi, guhangana na zimwe muri za kirazira ziheza umugore ndetse no kwimakaza ubufatanye, ari umusingi ukomeye mu kubaka ejo hazaza h’umugore, aho ijwi rya buri mugore ryumvikana kandi rihabwa agaciro.**



Berabose, wamenyekanye nka « Bose », ni impirimbanyi y'uburenganzira bw'abagore kandi yita cyane kubuzima bwabo bwa buri munsi muri rusange. Ishyaka n'izindi mbaraga zimuranga akomora kuri nyina, byatume aba rwiyemezamirimo w'indashyikirwa. Muri byinshi Bose yagezezo, harimwo kuba umufatanyabikorwa mugushinga umuryango wita kandi ukanafasha abagore n'abakobwa badafite ubushobozi bwo kubona ibyangombwa mugihe bari mumihango. Ikindi kandi, yashinze urubuga(podcast) rwita cyane kubibazo abagore n'abakobwa bahura nabyo mubuzima bwa buri munsi. Ubu, Bose ayoboye umuryango LUNA Africa, utanga inama n'ubufasha kubuzima hakoreshejwe ikoranabuhanga. Bose akangurira bose kugira ukwihangana no guharanira ukwihangana kw'abagore.

Bose yarezwe na nyina wenyine nyuma yo kurokoka jenoside yakorewe abatutsi mu mwaka w'i 1994, yarize araminuza, atoza umukobwa we umutima wo kwihangana no kumenya gufata ibyemezo. Bivuye kuri nyina , Bose yamenye imbaraga abagore bafite maze atangira kwibaza ashidikanya ku busumbane buri mu nzego zose butuma abagore bahezwa.

Ari mu masomo ajyanye n'ib'yubuyobozi muri Kenya, Bose yahuye ubwe ku giti cye n'ihohoterwa rishingiye ku igitsina, bimuhumura amaso abona uburyo abagore basuzugurwa kandi byiganje mumuryango. Uwo bari kumwe muri ayo mahugurwa, umugore ukomoka muri Etiyopiya yarahagurutse arabirwanya maze bibera urugero rwiza Bose rwo kujya nawe ahaguruka akarwanya iyo migirire. Ibyo yaboneye aho, byabaye imbarutso yo kugira ishyaka mu guharanira uburenganzira bw'abagore kandi bimutera imbaraga zo guhangana n'inxitizi zishyirwaho mumuryango, birimo nka kirazira zishyirwa ku bijyanye n'imihango y'abagore n'abakobwa n'ingaruka bigira ku buryo abagore bagerwaho n' ubuvuzi.

Atewe ishyaka no kuba yari atangiye guharanira uburenganzira bw'abagore. Afatanyije n'abandi bagore, Bose yashinze Matter Initiative, aho we n'itsinda bakoranaga batanze ibikoresho by'isuku y'abakobwa bari mu mihango birenga ibihumbi ku buntu, mu mashuri arenga cumi n'abiri hirya no hino mu igihugu. Uretse ibyo, banakoze ubuvugizi bugamije gukuriraho umusoro ibikoresho nkenerwa mu isuku ry'abagore n'abakobwa mugihe cy'imihango. Ikindi kandi, bazamuye imyumvire ku ibijyanye n'imihango bakuraho n'ipfobya riterwa no kudasobanukirwa iby'imihango. Kwiyemeza kuzamura imyumvire ku bibazo by'abagore byatumye Bose ashviraho urundi rubuga rutanga ijambo, ruba urubuga rwa mbere mu Rwanda, rutanga kandi rukaganira kubibazo abagore n'abakobwa bahura nabyo mugihe cy'imihango.

Bose yabereye abandi urugero rwiza kuburyo abaharanira uburenganzira bw'abagore bakomeje kwiyongera umunsi kumunsi, niho igitekerezo cyo gukora umushinga uhuriza hamwe umumenyi n'uburambe yari amaze kugira, maze mu mwaka w'i 2022, abifashijwemo na mugenzi we, bashinga umuryango LUN Africa. LUNA Africa, ikora ubuvugizi kubijyanye n'ubuzima n'ubuvuzi igakora kandi ubucuruzi butanga serivisi z'ubuzima binyuze mu itumanaho n'ikoranabuhanga. Bose abangamirwa cyane no kubura ubwisanzure, ihohoterwa, kubura serivisi, ihezwa ndetse n'ibindi bikorerwa umugore bikamubuza kwigenga. Icyerekezo cye ni ukubona abagore batekanye muri bo, haba mundangagaciroz'umuco ndetse n'imyemerere. Abinyujije muri LUNA Africa, Bose yashyizezo imbuga zihurirwaho n'abantu benshi bakaganira ntawe uhishuriye undi amazina bakaganira k'umutekano n'imibereho myiza y'abagore. Anakora kandi ubuvugizi kugirango habeho ibiganiro mpaka ku bijyanye n'agahinda gakabije abagore bahura nako nyuma yo kubyara ndetse n'ibijyanye n'imihango n'ibindi bitandukanye bifite aho bihurira n'ubuzima bw'abagore.

Urugendo rwa Bose nka rwiyemezamirimo wahariye ibikorwa bye kuzana impinduramatwara mu buvuzi bw'abagore nibwo rugitangira. Afite icyerekezo cyo gushyiraho uburyo busobanutse bwo gufasha abagore mu ubuzima bwabo, kuva bagiye mu imihango bwa mbere kugeza bacuze ndetse na nyuma yaho. Yabonye impinduka zo ku mubiri n'iz'amarangamutima abagore bahura nazo, maze ahitamo gukora ubuvugizi kugirango hashyirweho uburyo bw'ubuvuzi buboneye kandi bujyanye n'ibyo abagore bakeneye.

Bose aharanira uburenganzira bw'abagore abyishimiye, ahora yihugura kandi akura. Ahora ashaka kumenya uburyo butandukanye bwo kubonamo ibintu kandi nk'uko ubu ari gusatira kuzuza imyaka 27, yifuza gusangiza abandi amasomo yigiye mu buzima, no kugira inama abana ba bakobwa bo mu mashuri yisumbuye. Yizera ko kuziba icyuhu kiri hagati y' abaharanira uburenganzira bw'abagore bakuze n'abakiri bato ari ingenzi kuko bifasha mu kwimakaza imikoranire hagati y'inzego za leta n'abaharanira uburenganzira bw'abagore. Bose yemera ko guharanira uburenganzira bw'abagore ari imwe mundangagaciro zo gukunda igihugu.

Kwiyemeza guharanira kwita ku buzima bw'abagore n'uburinganire bya Aline Joyce Berabose, ni ikimenyetso cy'imbaraga n'ubushobozi buri mugore yifitemo, byo kuba yahindura umuryango. Nk'impirimbanzi y'uburenganzira bw'abagore kuva akiri muto, Bose afite ahazaza heza; yuje kwihangana no kwiyemeza kuzana impinduka irambye mu buzima bw'abagore bo mu Rwanda no hanze yarwo.

# Abo dukeshha amafoto

## **Ifoto**

Queen Rosalie Gicanda  
Kamaliza Annonciata  
Cecile Kayirebwa  
Victoria Nganyira  
Esther Mbabazi  
Isabelle Kamaliza  
Aloisia Inyumba  
Sophie Nzayisenga  
Agathe Uwiringiyimana  
Zula Karuhimbi  
Marie Immacule Ingabire  
Girimbabazi Rugabira Pamela  
Carol Karemera

## **Aho yakuwe**

Rwanda Broadcasting Agency  
Facebook  
The New times  
Igihe  
Amazon  
SOLID Africa  
Facebook  
Igihe Tv  
Face2face Africa  
Inyenyeri News  
Ingo Magazine  
Courtesy  
Courtesy



# *Her*STORY

Rwandan Women Changemakers

